



文心雕龍





叢書集成

初編

主編者
王雲五

商務印書館發行



龍 雕 心 文



3 0646 3935 8

著 劉 總

本館叢書集成初編所選
兩京遺編及漢魏叢書皆
收有此書漢魏本漫滅特
甚故據兩京本影印

083
112

22624

文心雕龍目錄

文心雕龍目錄

卷一

原道第一

徵聖第二

宗經第三

正緯第四

辯騷第五

卷二

明詩第六

樂府第七

詮賦第八

頌讚第九

祝盟第十

卷三

銘箴第十一

誄碑第十二

哀弔第十三

雜文第十四

諧謔第十五

卷四

史傳第十六

諸子第十七

論說第十八

詔策第十九

檄移第二十

卷五

封禪第二十一 章表第二十二

奏啓第二十三 議對第二十四

書記第二十五

卷六

神思第二十六 體性第二十七

風骨第二十八 通變第二十九

定勢第三十

卷七

情采第三十一 鎔裁第三十二

聲律第三十三 章句第三十四

麗辭第三十五

卷八

比興第三十六 夸飾第三十七

事類第三十八 練字第三十九

隱秀第四十

卷九

指瑕第四十一 卷氣第四十二

附會第四十三 總術第四十四

51259

時序第四十五

卷十

物色第四十六 才畧第四十七

知音第四十八 程器第四十九

序志第五十

文心雕龍目錄

文心雕龍卷之一

梁通事舍人東莞劉勰考和著

原道第一

文之為德也大矣與天地並生者何哉夫玄
黃色雜方圓體分日月疊聲以垂麗天之象
山川煥綺以鋪理地之形也蓋道之文也仰
觀吐曜俯察含章高卑定位故兩儀既生矣
惟人參之性靈所鍾是謂三才為五行之秀
人實天地之心生心而言立言立而文明
自然之道也傍及萬品動植皆文龍鳳以藻
繪呈瑞虎豹以炳蔚姿雲霞雕色有踰畫
工之妙草木青華無待錦匠之奇夫豈外飾
蓋自然耳至於林籟結響調如箏瑟泉石激
韻和若球鏗故形立則章成矣聲發則文生
矣夫以無識之物鬱然有彩有心之器其無
文歟人文之元肇自太極幽讚神明易象惟
先庖犧畫其始仲尼翼其終而乾坤兩位獨
制文言言之文也天地之心哉若迺河圖孕

乎八卦洛書韞乎九疇玉牒之寶丹文
綠牒之華誰其尸之亦神理之自鳥也
繩文字始炳炎皞遺事紀在空中之年世
邈聲采靡追唐虞文章則煥乎知靈之章
歌既發吟詠之志益稷陳謀亦謂敷奏考風
夏后氏興業峻鴻績九序惟歌勳德彌綽逮
及商周文勝其質雅頌所被英華日新文王
患憂絲舜炳曜符采復隱精義堅深重以公
旦多材禱其微烈制詩緝頌斧藻群言至夫
子繼聖獨秀前哲銘鈞六經必金聲而玉振
雕琢性情組織辭令木鐸啟而千里應席珍
流而萬世響寫天地之輝光晚生民之耳目
矣爰自風姓暨于孔氏玄聖創典素王述訓
莫不原道心裁文章研神理而設教取象乎
河洛問數乎蒼龜觀天文以極變察人文以
成化然後能經緯區宇彌綸彙憲發輝事業
彪炳辭義故知道必聖以垂文聖因文而明
道旁通而無涯日用而不匱易曰鼓天下之

動存乎辨辨之所以能鼓天下者適道之文也

贊曰

道心惟微神理設教光采玄聖炳耀仁孝龍圖獻體龜書呈貌天文斯觀民胥以劬

徵聖第二

夫作者曰聖述者曰明陶鑄性情功在上哲夫子文章可得而聞則聖人之情見乎文辨矣先王聖化布在方冊夫子風采溢于格言是以遠稱唐世則煥乎為盛近褒周代則郁哉可從此政化貴文之徵也鄭伯入陳以立辭為功宋置折俎以多方舉禮此事蹟貴文之徵也襄美子產則云言以足志文以足言泛論君子則云情欲信辭欲巧此修身貴文之徵也然則志足而言文情信而辭巧迺含章之玉牒秉文之金科矣夫鑒周日月妙極機神文成規矩思合符契或簡言以達旨或博文以該情或明理以立體或隱義以藏用

故春秋一字以褒貶喪服舉輕以包重此簡言以達旨也邪詩聯章以積句儒行縉說以繁辭此博文以該情也書契斷决以象夫文章昭哲以象離此明理以立體也四象精義以曲隱五例微辭以婉晦此隱義以藏用也故知繁略殊形隱顯異術抑引隨時變通會適徵之周孔則文有師矣是以政論文必徵於聖必宗於經易稱辨物正言斷辭則備書云辨尚體要弗惟好異故知正言所以立辨體要所以成辭辭成無好異之尤辨立有斷辭之義雖精義曲隱無傷其正言微辭婉晦不害其體要體要與微辭偕通正言共精義並用聖人之文章亦可見也顏闈以為仲尼飾羽而畫徒事華辭雖欲此言聖弗可得已然則聖文之雅麗固銜華而佩實者也天道難聞猶或鑽仰文章可見胡寧勿思若徵聖立言則文其庶矣

贊曰

妙極生知睿哲惟宰精理為文秀氣成采鑿
懸日月辨富山海百齡影徂千載心在

宗經第三

三極彞訓其書言經也者恒久之至道不
刊之鴻教也故象天地效鬼神參物序制人
紀洞性靈之奧區極文章之骨髓者也皇世
三墳帝代五典重以八索申以九丘歲歷綿
瓊條流紛採自夫子刊述而大寶咸維於是
易張十翼書標七觀詩列四始禮正五經春
秋五例義既極乎性情辨亦匠於文理故能
開學養正昭明有融然而道心惟微聖謀卓
絕墻宇重峻而吐納自深壁萬鈞之洪鍾無
錚錚之細響矣易惟談天人神致用故繫稱
旨遠辨文言中事隱韋編三絕固哲人之驟
淵也書實記言然覽文如說而尋理即暢故
子夏歎書昭昭若日月之明離離如星辰之
行言昭灼也詩主言志義訓同書搗風裁興
藻辨論喻溫柔在誦敢附深衷而詰訓茫昧

通乎爾雅則文意曉然矣禮記立體弘用據
事別範章條緘曲觀辨立曉而訪義方隱春
秋則一字見義五石六鷁以詳畧成文雉門
兩觀以先後顯旨其婉章志晦諒以遠矣此
聖人之殊致表裏之異體者也至根抵繁深
枝葉峻茂辨約而旨豐事近而喻遠是以往
者雖舊餘味日新後進追取而非曉前脩文
用而未先可謂太山徧雨河潤千里者也故
論說辨序則易統其首詔策章奏則書發其
源賦頌詩讚則詩立其本銘誄箴祝則禮總
其端紀傳銘檄則春秋為根並窮高以樹表
極遠以啟疆所以百家騰躍終入環內者也
若稟經以製式酌雅以富言是仰山而鑄銅
煮海而為鹽也故文能宗經體有六義一則
情深而不詭二則風清而不雜三則事信而
不誕四則義直而不回五則體約而不蕪六
則文麗而不淫揚子比雕玉以作器謂五經
之含文也夫文以行立行以文傳四教所先

符采相濟勵德樹聲莫不師聖而建言脩辭
鮮克宗經是以楚艷漢侈流弊不還正末歸
本不其懿歟

讚曰

三極彙道訓深稽古致化歸一分教斯五性
靈鑄匠文章與府淵哉鑠乎群言之祖

正緯第四

夫神道闡幽天命微顯馬龍出而大易興神
龜見而洪範耀故繫辨稱河出圖洛出書聖
人則之斯之謂也但世憂文隱好生矯誕真
雖存矣偽亦憑焉夫六經彪炳而緯候稠疊
孝論昭哲而鈎識歲蕤按經驗緯其偽有四
蓋緯之成經其猶織綜絲麻不雜布帛乃成
今經正緯竒倍擗千里其偽一矣經顯聖訓
也緯隱神教也聖訓宜廣神教宜約而今緯
多於經神理更繁其偽二也有命自天迺稱
符讖而八十一篇皆託於孔子則是堯造錄
圖昌制冊書其偽三矣商周以前圖錄頻見

春秋之末群經方備先緯後經體乖織綜其
偽四矣偽既倍摘則義異自明經足訓矣緯
何豫焉原夫圖錄之見迺昊天休命事以瑞
聖義非配經故河不出圖夫子有歎如或可
造無勞喟然昔康王河圖陳於東序故知前
世符命歷代寶傳仲尼所撰序錄而已於是
伎數之士附以詭術或說陰陽或序災異若
鳥鳴似語蟲葉成字篇條滋蔓必假孔氏通
儒討覈謂起哀平東序秘寶朱紫亂矣至於
光武之世篤信斯術風化所靡學者北肩沛
獻集緯以通經曹展撰識以定禮乖道謬典
亦已甚矣是以桓譚疾其虛偽尹敏戲其深
瑕張衡發其僻謬荀悅明其詭誕四賢博練
論之精矣若乃羲農軒皞之源山濤鍾律之
要白魚赤鳥之符黃金紫玉之瑞事豐竒偉
辭富膏腴無益經典而有助文章是以後來
群人採摭英華平子恐其迷學秦令禁絕仲
豫情其雜真未許煨燔前代配經故詳論焉

讚曰

榮河温洛是孕圖緯神寶藏用理隱文貴世
歷二漢朱紫騰沸芟夷諳詭揉其雕蔚

辯騷第五

自風雅寢聲莫或抽緒奇文鬱起其離騷哉
固以軒蕭詩人之後奮飛辭家之前豈去聖
之未遠而楚人之多才乎昔漢武愛騷而淮
南作傳以為國風好色而不淫小雅怨謗而
不亂若離騷者可謂兼之蟬蛻穢濁之中浮
游塵埃之外瞻然涅而不緇雖與日月爭光
可也班固以為露才揚己忿懣沉江昇澆二
姝與左氏不合崑崙懸圃非經義所載然其
文辭麗雅為詞賦之宗雖非明哲可謂妙才
王逸以為詩人提耳屈原婉順離騷之文依
經立義駟虬乘騎則時乘六龍崑崙流沙則
禹貢敷土名儒辨賦莫不擬其儀表所謂金
相玉質百世無匹者也及漢宣嗟歎以為皆
合經術揚雄諷味亦言體同詩雅四家舉以

方經而孟堅謂不合傳褒貶任聲抑揚過實
可謂鑿而弗精訖而未覈者也將覈其論必
徵言焉故其陳堯舜之耿介稱湯禹之祗敬
典誥之體也譏桀紂之猖披傷羿澆之顛隕
規諷之旨也虬龍以喻君子雲蜺以譬讒邪
比興之義也每一顧而淹涕歎君門之九重
忠怨之辭也觀茲四事同于風雅者也至於託
雲龍說迂恠豐隆求宓妃鳩鳥媒媵女詭異
之辭也康回傾地夷羿蔽日木夫九首土伯
三足譎恠之談也依彭咸之遺則從于胥以
自適狷狹之志也士女雜座死而不分指以
為樂娛酒不廢沉湎日夜舉以為權荒淫之
意也摘此四事異乎經典者故論其典誥則
如彼語其本誕則如此固知楚辭者體憲於
三代而風雅於戰國乃雅頌之博徒而詞賦
之英傑也觀其骨鯁所樹肌膚所附雖取鑄
經意亦自鑄偉辭故騷經九章朗麗以哀志
九歌九辯綺靡以傷情遠遊天問瓌詭而惠

巧招魂招隱耀艷而深華卜居標放言之致
漁父寄獨往之才故能氣往轢古辭采切今
驚采絕艷難與並能矣自九懷以下遽躡其
跡而易感述離居則愴快而難懷論山水則
循聲而得貌言節候則披文而見時是以枚
賈追風以入麗馬揚波而得奇其衣被詞
人非一代也故才高者苑其鴻裁中巧者獵
其艷辭吟諷者銜其山川童蒙者拾其香草
若能憑軾以倚雅頌懸轡以馭楚篇酌奇而
不失其真翫華而不墜其實則顧盼可以驅
儻寵於子淵矣

讚曰

不有屈原豈見離騷驚才風逸壯志煙高山
川無極情理實勞金相玉式絕益稱豪

文心雕龍卷之一

文心雕龍卷之二

明詩第六

大舜云詩言志歌永言聖謀所析義已明矣
是以在心為志發言為詩舒文載實其在茲
乎詩者持也持人情性三百之敵義歸無邪
持之為訓有符焉爾人稟七情應物斯感感
物吟志莫非自然昔葛天氏樂舞云玄鳥在
曲黃帝雲門理不空綺至堯有大唐之歌舜
造南風之詩觀其二文辭達而已及禹禹成
功九序惟歌太康敗德五子咸怨順美匡惡
其來久矣自商暨周雅頌圓備四始彪炳六
義環深子夏監絢素之章子貢悟琢磨之句
故商賜二子可與言詩自王澤殄竭風人輟
采春秋觀志諷誦舊章酬酢以為賓榮吐納
而成身文逮楚國諷怨則離騷為刺秦皇滅
典亦造仙詩漢初四言韋孟首唱匡諫之義
繼軌周人孝武愛文相梁列韻嚴焉之徒屬
辭無方至成帝品錄三百餘篇朝章國采亦

云周備而辭人遺翰莫見五言所以李陵班婕妤見疑於後代也按召南行露始肇半章孺子滄浪亦有全曲賸豫優歌遠見春秋邪徑童謡近在成世閱時取證則五言久矣又古詩佳麗或稱枚叔其孤竹一篇則傳毅之詞比采而推兩漢之作乎觀其結體散文直而不野婉轉附物悵悵切情實五言之冠冕也至於張衡怨篇清曲可味仙詩緩歌雅有新聲暨建安初五言騰踴文帝陳思繼響以騁節王徐應劉望路而爭驅並憐風月狎池苑述恩榮叙酣宴慷慨以任氣磊落以使才造懷指事不求纖密之巧驅辭逐貌唯取昭哲之能此其所同也乃正始明道詩雜仙心何晏之徒率多浮淺唯嵇旨清峻阮旨遙深故能標焉若乃應璩百一獨立不懼辭譎義貞亦魏之遺直也晉世群才稍入輕綺張潘左陸比肩詩衡采縛於正始力柔於建安或析文以為妙或流靡以自妍此其太略也江左

篇製溺乎玄風嗤笑狗粉之志崇盛亡機之談袁孫已下雖各有雕采而辭趣一揆莫與爭雄所以景純仙篇挺拔而為俊矣宋初文詠體有因革莊老告退而山水方滋儼采百字之偶爭價一句之奇情必極貌以寫物肆必窮力而追新此近世之所競也故鋪觀列代而情變之數可監撮舉同異而綱領之要可明矣若夫四言正體雅潤為本五言源調清嚴居宗華實異用唯才所安故平子得其雅叔夜含其潤茂先疑其清景陽振其麗兼善則子建仲宣偏美則太冲公幹然詩有恒裁思無定位隨性適分鮮能通圓若妙識所難其易也將至忽之為易其難也方來至於三六雜言則自出篇什離合之發則明於圖讖回文所興則道原為始聯句共韻則栢梁餘製巨細或殊情理同致總歸詩圃故不繁云

贊曰

民生而志詠歌所舍與發皇世風流二南神理共契政序相參英華彌綈萬代永耽

樂府第七

樂府者聲依永律和聲也鈞天九奏既其上帝葛天八闋爰乃皇時自咸英以降亦無得而論矣至於塗山歌於候人始為南音有娥謠乎飛燕始為北聲夏甲歎於東陽東音以發殷麓思于西河西音以興音聲推移亦不一槩矣及夫庶婦謳吟土風詩官採言樂育被律志感絲篁氣變金石是以師曠覘風於盛衰季扎鑒微於興廢精之至也夫樂本心術故響浹肌髓先王慎焉務塞淫濫敷訓賈子必歌九德故能情感七始化動八風自雅聲浸微溺音騰沸秦燔樂經漢初紹復制氏紀其鏗鏘叔孫定其容與於是武德興乎高祖四時廣於孝文雒幕韶夏而頌襲秦舊中和之響聞其不還暨武帝崇禮始立樂府總趙代之音撮齊楚之氣延年以曼聲協律朱

馬以騷體製歌桂華雜曲麗而不經赤鴈群篇靡而非典河間薦雅而宰御故汲黯致譏於天馬也至宣帝雅頌詩效廉鳴邇及元成稍廣淫樂正音乖俗其難也如此暨後郊廟惟雅稚童辭雖典文而律非夔曠至于魏之三祖氣爽才麗宰割辭調音靡節平觀其兆上眾引秋風列篇或述酣宴或傷壽成志不出於滔蕩辭不離於哀思雖三調之正鼓實韶夏之鄭曲也逮於晉世則傳玄曉音創定雅歌以詠祖宗張華新篇亦充庭萬然杜夔調律音奏舒雅荀勗改懸嚴節哀急故阮咸譏其離嚴後人驗其銅尺和樂精妙固表裏而相質矣故知詩為樂心嚴為樂體樂體在嚴嚴師務調其器樂心在詩君子宜正其文好樂無荒音風所以稱遠伊其相譁鄭國所以云亡故知季扎觀舞不直聽嚴而已若夫豔歌婉孌怨志訣絕淫辭在曲正響焉生然俗聽飛馳職競新異雅詠溫恭必欠伸魚睨

音辭切至則拊髀雀躍詩鼓俱鄭自此階矣
凡樂辭曰詩詩鼓曰歌鼓未被辭辭繁難節
故陳思稱李延年開於增損古辭多者則宜
減之明貴約也觀高祖之詠大風孝武之歎
來邊歌童被戲莫敢不恊子建士衡咸有佳
篇並無詔伶人故事謝絲管俗稱乘調蓋未
思也至于斬伎鼓吹漢世饒挽雖戎喪殊事
而並總入樂府繆襲所致亦有可算焉昔子
政品文詩與歌別故略具樂篇以標區界

替曰

八音摛文樹辭為體謳吟垆野金石雲陛詔
鑿難追鄭教易啟豈惟觀樂於焉識禮

詮賦第八

詩有六義其二曰賦賦者鋪也鋪米摛文體
物寫志也昔邵公稱公卿獻詩師箴賦傳云
登高能賦可為大夫詩序則同義傳說則異
體總其歸於實相枝幹劉向云明不歌而頌
班固稱古詩之流也至如鄭莊之賦大隗士

為之賦派表結言擷韻詞自己作雖合賦體
明而未融及靈均唱騷始廣發貌然賦也者
受命於詩人招宇於楚辭也於是荀况禮智
宋玉風鈞爰錫名號與詩畫境六義附庸蔚
成大國遂客至以首引極貌以窮文斯蓋別
詩之原始命賦之厥初也秦世不文頗有雜
賦漢初辭人順流而作陸賈扣其端賈誼振
其緒枚馬同其風王揚騁其勢臯翔已下品
物畢圖繁積於宣時校閱於成世進御之賦
千有餘首討其源流信興楚而盛漢矣夫京
殿苑獵述行序志並體國經野義尚光大既
履端於唱叙亦歸餘於總亂序以建言首引
情本辭以理篇迭致文契按那之卒章閱焉
稱亂故知殷人輯頌楚人理賦斯並鴻裁之
寰域雅文之樞轄也至於草區禽族庶品雜
類則觸興致情因變取會擬諸形容則言務
纖密象其物宜則理貴側附斯又小制之區
吟奇巧之機要也觀夫荀結隱語事數自環

宋發巧談實始淫麗枚乘菟園舉要以會新

相如上林繁類以成艷賈誼鵬鳥致辨於情

理子淵洞簫窮變於聲貌孟堅兩都朋約以

雅贍張衡二京迅拔以宏富子雲甘泉構深

瑋之風延壽靈光合飛動之勢凡此十家並

辨賦之流也及仲宣靡密發端必道偉長博

通時逢北采太冲安仁策勛於鴻規士衡子

安底績於流制景純綺巧縟理有餘彦伯梗

槩情韻不置亦魏晉之賦首也原夫登高之

旨善觀物與情情以物興故義以明雅物以情

觀故詞必巧麗麗詞雅義符采相勝如組織

之品朱紫畫繪之著玄黃文雖新而有質色

雖糝而有儀此立賦之大體也然逐末之儔

殘棄其本雖讀千賦愈惑體要遂使繁華損

枝膏腴害骨無貴風軌莫益勸戒此揚子所

以追悔雕蟲貽誚於霧縠者也

贊曰
賦自詩出分岐異派寫物圖貌蔚似雕畫析

滯必揚言庸無隘風歸麗則辭窮美裨

頌讚第九

四始之至頌居其極頌者容也所以美盛德

而述形容也昔帝堯是世咸墨為頌以歌九

韶自商已下文理允倫夫化偃一國謂之風

風正四方謂之雅容告神明謂之頌風雅序

人事兼變正頌主告神義必純美魯以公旦

次編商人以前王追錄斯乃宗廟之正歌非

響譙之常味也時邁一篇周公所製哲人之

頌規式存焉夫民各有心勿壅惟口晉興之

稱原田魯民之刺裘鞞直言不詠短辭以諷

立明子高並謀為誦斯則野誦之變體浸被

乎人事矣及三閭摘頌情采芬芳比類寓意

又覃及細物矣至於秦政刻文爰頌其德漢

之惠景亦有述容公世並作相繼於時矣若

夫子雲之表充國孟堅之序戴侯仲武之美

顯宗史岑之述僖后或擬清廟或範坰那雖

深淺不同詳略各異其褒德顯容典章一也

至於班傳之北征西逝變為序引豈不褒過而謬體裁馬融之廣城上林雅而似賦何弄文而失質乎又崔瑗文學蔡邕樊渠並致美於序而簡約乎篇摯虞曰藻頌為精數至云雜以風雅而不變旨趣徒張虛論有似黃白之偽說矣及魏晉辨頌鮮有出轍陳思所綴以皇子為標陸機積篇惟功臣最顯其褒貶雜居固末代之訛體也原夫頌惟典雅辭必清鏗敷寫似賦而不入華侈之區教慎如銘而異乎規戒之域揄揚以發滌汪洋以樹義唯纖曲巧致與情而變其大體所底如斯而已讚者明也昔虞舜之祀樂正重讚蓋唱發之辭也及益讚于禹伊陟贊于巫咸並颺言以明事嗟嘆以助辭也故漢置鴻臚以唱拜為讚即古之遺語也至相如屬筆始讚荆軻及史班固書託贊褒貶約文以總錄頌體以論辭又紀傳侈評亦同其名而仲治流別謬稱為述夫之遠矣及景純注雅動植讚之義

兼美惡亦猶頌之變耳然其為義事生獎歎所以古來篇體促而不曠必結言於四子之句盤桓手數韻之辭約舉以盡情昭灼以送文此其體也發源雖遠而致用蓋寡大抵所歸其頌家之細條乎

贊曰

容體底頌勳業垂讚鑠影攝文聲理有爛年積逾遠音微如旦降及品物炫辭作翫

祝盟第十

天地定位祀徧羣臣六宗既禋三望咸秩甘雨和風是生黍稷兆民所仰美報興焉犧盛惟馨本於明德祝史陳信資乎文辭昔伊祈始蜡以祭八神其辭云土及其宅水歸其壑昆蟲無作草木歸其澤則上皇祝文爰在茲矣舜之祠田云荷此長耜耕彼南畝四海俱有利民之志頌形於言矣至於商頌聖敬日躋玄牡告天以萬方罪已即郊禋之祠也素車禱旱以六事責躬則雩祭之文也及周之

太祝掌六祀之辭是以庶物咸生陳於天地之郊旁作穆穆唱於迎日之拜風興夜慶言於附廟之祝多福無疆布於少牢之饋宜社類禡莫不有文所以寅虔於神祇嚴恭於宗廟也春秋已下黷祀諂祭幣史辭靡神不至至於張老成室致善於歌哭之禱廟贖臨戰獲祐於筋骨之請雖造次顛沛必於祝矣若夫楚辭招魂可謂祝辭之組纒也漢之羣祀肅其首禮既總碩儒之儀亦參方士之術所以祕祝移過異於成湯之心侷子歐疾同乎越巫之祝體失之漸也至如黃帝有祝邪之文東方朔有罵鬼之書於是後之譴呪務於善罵唯陳思詰裁以正義矣若乃禮之祭祀事止告饗而中代祭文兼讚言行祭而兼讚蓋引神而作也又漢代山陵哀策流文周喪盛姬內史執筆然則策本書贈因哀而為文也是以義同於誄而文實告神誄首而哀末頌體而呪儀太史所作之讚因周之祝文

也凡羣言發華而降神實務脩辭立誠在於無媿祈禱之式必誠以敬祭奠之措宜恭且哀此其大較也班固之祀濠山祈禱之誠敬也潘岳之祭度婦奠祭之恭哀也舉彙而求昭然可鑒矣盟者明也駢毛白馬珠盤玉敦陳辭乎方明之下祝告於神明者也在昔三王詛盟不及時有要誓結言而退周衰彙盟以及要契始之以曹沫終之以毛遂及秦昭盟夷設黃龍之詛漢祖建侯定山河之誓然義存則堯終道廢則渝始崇替在人呪何預焉若夫滅洪軟辭氣截雲蜺劉琨鐵誓精貫霏霜而無補於晉漢友為仇讐故知信不由衷盟無益也夫盟之大體必序危機獎忠孝共存亡戮心力析幽靈以取鑒指九天以為正感激以立誠切至以敷辭此其所同也然非辭之難處辭為難後之君子宜在殷鑒忠信可矣無恃神焉

贊曰

慈祀欽明祝史惟談立誠在肅脩辭必甘季
代彌飾絢言朱藍神之未格阡貴無慙

文心雕龍卷之二終

文心雕龍卷之三

銘箴第十一

昔帝軒刻輿几以彌違大禹勒筭簏而招諫
成湯盤盂著日新之規武王戶席題必戒之
訓周公慎言於金人仲尼革容於歌器則先
聖鑒戒其來久矣故銘者銘也觀器必也正
名審用貴乎盛德蓋臧武仲之論銘也曰天
子令德諸侯計功大夫稱伐夏鑄九牧之金
鼎周勒肅慎之楛矢令德之事也呂望銘功
於昆吾仲山鏤績於庸器計功之義也魏顆
紀勲於景銘孔悝表勤於衛鼎稱代之類也
若乃飛廉有石廓之錫靈公有蒿里之謚銘
發幽石吁可恠矣趙靈勒跡於番禺秦昭刻
傳於華山夸誕示後吁可茂也詳觀衆例銘
義見矣至於始皇勒岳政暴而文澤亦有疎
通之美焉若班固燕然之勒張昶華陰之碣
序亦盛矣蔡邕銘思獨冠古今僑公之箴吐
納典謨朱穆之鼎全成碑文溺所長也至如

敬通雜器準獲戒銘而事非其物繁略達中
 崔駰品物讚多戒少李尤積篇義倫辭碎著
 龜神物而居博奕之中衡斛嘉量而在臼杵
 之末曾名品之未暇何事理之能閑哉魏文
 九寶器利彝鈍唯張采劬閔其才清采迅足
 駁駁後發前至勒銘岷漢得其宜矣箴者所
 以攻疾防患喻箴石也斯文興盛於三代夏
 商二箴餘句頗存及周之辛甲百官箴一篇
 體義備焉迄至春秋微而未絕故魏絳諷君
 於后羿楚子訓民於在勤戰伐已采棄德務
 功銘彝代興箴文委絕至揚雄稽古始範虞
 歲卿尹州牧二十五篇及崔胡補綴總稱百
 官指事配位擊鎧可徵信所謂追清風於前
 古攀辛甲於後代者也至於潘勗符節要而
 失淺溫嶠傳臣博而患繁王濟國子引廣事
 潘尼乘輿義正體蕪凡斯繼作鮮有克衷至
 於王朗雜箴乃寘中獲得其戒慎而失其所
 施觀其約文舉要憲章戒銘而水火并竈繁

辭不已志有偏也夫箴誦於官銘題於器名
 目雖異而警戒實同箴全禦過故文質確切
 銘兼褒讚故體貴弘潤其取事也必覆以辨
 其摘文也必簡而深此其大要也然失言之
 道蓋闕庸器之制久淪所以箴銘異用罕施
 代惟乘文君子宜酌其遠大焉

讚曰

銘實表器箴惟德軌有佩于言無鑿于水秉
 茲貞勵敬言乎履義典則弘文約為美

誄碑第十二

周世盛德有銘誄之文大夫之材臨喪能誄
 誄者累也累其德行旌之不朽也夏商已前
 其詳靡聞周雖有誄未被於士又賤不誄貴
 幼不誄長在萬乘則稱天以誄之讀誄定謚
 其節文大矣自魯莊戰乘丘始及於士逮尼
 父卒哀公作誄觀其愬遺之切嗚呼之歎雖
 非暨作古式存焉至桀妻之誄惠子則辭哀
 而韻長矣暨乎漢世承流而作揚雄之誄元

后文實煩穢沙麓撮其要而摯疑成篇安有
累德述尊而濶畧四句乎杜篤之誄有譽前
代吳誄雖工而他篇頗踈豈以見稱光武而
改盼千金哉傳教所制文體倫序孝山崔瑗
辨繁相參觀序如傳舜靡律調因誄之才也
潘岳構意專師孝山巧於序悲易入新切所
以隔代相望能徵厥聲者也至如崔駰誄趙
劉陶誄黃並得憲章工在簡要陳思叨名而
體實繁緩文皇誄末旨自陳其乖甚矣若
夫殷臣誄湯追褒玄鳥之祥周史歌文上闡
后稷之烈誄述祖宗蓋詩人之則也至於序
述哀情則觸類而長傳教之誄北海云白日
幽光零霧杳冥始序致惑遂為後式景而效
者彌取於功矣詳夫誄之為制蓋選言錄行
傳體而頌文榮始而哀終論其人也矚乎若
可覲道其哀也悽焉如可傷此其旨也碑者
埤也上古帝皇始踰封禪樹石埤岳故曰碑
也周穆紀跡于弁山之石亦石碑之意也又

宗廟有碑樹之兩楹事正嚴牲未勒勳績而
庸器漸闕故後代用碑以石代金同乎不朽
自廟徂墳猶封墓也自後漢以來碑碣雲起
才鋒所斲莫高蔡邕觀楊賜之碑骨鯁訓典
陳郭二文句無擇言周乎衆碑莫非清允其
叙事也該而要其綴采也雅而澤清詞轉而
不窮巧義出而卓立察其為才自然而至孔
融所創有慕伯喈張陳兩文辨給足采亦其
亞也及孫綽為文志在碑誄温王卻度辨多
枝雜桓彛一篇最為辨裁夫屬碑之體資乎
史才其序則傳其文則銘標序盛德必見清
風之華昭紀鴻懿必見峻偉之烈此碑之制
也夫碑實銘器銘實碑文因器立名事光於
誄是以勒石讚勳者入銘之域樹碑述已者
同誄之區焉

贊曰

馮實追虛碑誄以立銘德慕行文采允集觀
風似面聽辭如泣石墨鐫華頽影豈忒

哀弔第十三

賦憲之謚短折曰哀哀者依也悲實依心故曰哀也以辭遣哀蓋下淚之悼故不在黃髮必施天昏昔三良殉秦百夫莫贖事均天橫黃鳥賦哀抑亦詩人之哀辭乎暨漢武封禪而霍光暴亡帝傷而作詩亦哀辭之類矣及後漢汝陽王亡崔瑗哀辭始變前戒然獲突鬼門恠而不辭駕龍乘雲仙而不哀又卒章五言頗似歌謠亦彷彿乎漢武也至於蘇慎張升並述哀文雖發其情華而未極心實建安哀辭惟倬長差善行女篇一時有惻怛及潘岳繼作實踵其美觀其慮善辭變情洞悲苦叙事如傳結言摹詩促節四言鮮有緩句故能義直而文婉體舊而趣新金甌澤蘭莫之或繼也原夫哀辭大體情主於痛傷而辭窮乎愛惜幼未成德故譽止於察惠弱不勝務故悼加乎膚色隱心而結文則事恆觀文而屬心則體奢奢體為辭則雖麗不哀必使情

往會悲文來引泣乃其貴耳弔者至也詩云神之弔矣言神至也君子令終定謚事極理哀故賓之慰主以至到為言也壓溺乖道所以不弔又宋水鄭火行人奉辭國災民亡故同弔也及晉蔡虎臺齊襲燕城使蘇秦翺賀為弔虐民構敵亦亡之道凡斯之例弔之所設也或驕貴而殞身伯忿以乖道或有志而無時或美才而兼累追而慰之並名為弔自賈誼浮湘發憤弔屈體同而事異辭清而理哀蓋出首之作也及相如之弔二世全為賦體桓譚以為其言惻愴讀者歎息及平章要切斷而能悲也楊雄弔屈思積切寡意深文畧故辭韻沉脆班彪蔡邕並敏於致語然影附賈氏難為並驅耳胡阮之弔夷齊衰而無聞仲宣所制譏呵實工然則胡阮嘉其清王子傷其隘各志也桐衡之弔平子緝麗而輕清陸機之弔魏武序巧而文繁降斯以下未有可稱者矣夫弔雖古義而華辭未造華過

韻緩則化而為賦固宜正義以繩理昭德而塞違割析褒貶表而有正則無奪倫矣

讚曰

辭定所表在彼弱弄苗而不秀自古斯慟雖有通才迷方告控千載可傷寓言以送

雜文第十四

智述之子博雅之人藻溢於辭辭盈乎氣苑囿文情故日新殊致宋玉含才頗亦負俗始造對問以申其志放懷寥廓氣實使之及枚乘搗艷首製七發腴辭雲構本巖風駭蓋七竅所發發乎嗜欲始邪末正所以戒膏梁之子也揚雄覃思文潤業深綜述碎文瓌語肇為連珠其辭雖小而明潤矣凡此三者文章之枝派暇豫之末造也自對問以後東方朔效而廣之名為客難託古慰志疎而有辨揚雄解朝雜以諧諠迴環自釋頗亦為工班固賓戲含懿采之華崔駰達旨吐典言之裁張衡應問密而兼雅崔寔客讖整而微質蔡邕

釋誨體奧而文炳景純客傲情見而采蔚雖迭相祖述然屬篇之高者也至於陳思客問辭高而理疎庾凱客咨意榮而文粹斯類甚衆無所取裁矣原茲文之設迺發憤以表志身挫憑乎道勝時也寄於情泰莫不淵岳其心麟鳳其采此立本之大要也自七發以下作者繼踵觀枚氏首唱信獨拔而偉麗矣及傳毅七激會清要之工崔駰七依入博雅之巧張衡七辯結采綿靡崔瑗七厲植義純正陳思七啟取美於宏壯仲宣七釋致辨於事理自桓麟七說以下左思七諷以上枝附影後十有餘家或文麗而義賸或理粹而辭駁觀其大抵所歸莫不高談宮館壯語畋獵窮瑰奇之服饌極蠶媚之聲色甘意搖骨體艷詞洞魂識雖始之以淫侈而終之以居正然諷以勸百勢不自反子雲所謂先駟鄭衛之聲曲終而奏雅者也唯七厲叙賢歸以儒道雖文非拔群而意實卓爾矣自連珠以下擬

者間出杜篤賈逵之曹劉珍潘勗之輩欲穿明珠多貫魚目可謂壽陵匍匐非復邯鄲之步里配捧心不關西施之類矣唯士衡運思理新文敏而裁章置句廣於舊篇豈慕珠仲四寸之璫乎夫文小易周思閑可贍足使義明而辭淨事圓而音澤磊磊自轉可稱珠耳詳夫漢來雜文名跡多品或典詰誓問或覽畧篇章或曲標弄引或吟諷謠詠總括其名並歸雜文之區甄別其義各入討論之域類聚有貫故不曲述

譜曰

偉矣前修學堅多飽負文餘力飛靡弄巧技辭攢映嘒若參鼎慕頌之心於焉祗攬

諧譏第十五

芮良夫之詩云自有肺腸俾民卒狂夫心險如山口壅若川怨怒之情不一歡譁之言無方昔華元棄甲城者發睥目之謳滅訖喪師國人造侏儒之歌並嗤戲形貌內怨為俳也

又蠶解鄙諺狸首淫注苟可箴戒載于禮典故知諧辭譎言亦無棄矣諧之言皆也辭淺會俗皆悅笑也昔齊宣酣樂而惇于說甘酒楚襄譙集而宋玉賦好色意在微諷有定稱者及優孟之諷漆城優旃之諫蔡馬並譎辭師說抑止昏暴是以子長編史列傳滑稽以其辭雖傾田意歸義正也但本體不雜其流易弊於是東方枚臯鋪糟啜醢無所匡正而詆媠媒弄故其自稱為賦迺亦非也見視如倡亦有悔矣至魏大因俳說以著茂書薛綜憑宴會而發嘲調雖拊推席而無益時用矣然而懿文之士未免枉轡潘岳醜婦之屬束哲賞餅之類尤相效之蓋以百數魏晉滑稽盛相驅扇遂乃應瑒之鼻方於盜削卯張華之形比乎握春杵曾是秀言有虧德音豈非溺者之妄茂胥靡之狂歌譎諷者隱也避辭以隱意譎譬以指事也昔還揚求拯於楚師喻替井而稱麥麴叔儀乞糧於魯人歌佩玉

而呼庚癸伍舉刺荆王以大鳥齊客譏薛公以海魚莊姬託辭於龍尾臧文謬書於羊裘隱語之用被于紀傳大者興治濟身其次弼違曉惑蓋意生於權詞而事出於機急與夫諧辭可相表裏者也漢世隱書十有八篇歆固編文錄之歌末楚莊齊威性好隱語至東方曼倩尤巧辭述但謬辭詆戲無益規補自魏代已來頗非俳優而君子隱化為謎語謎也者迺互其辭使昏迷也或體目文字或圖象品物纖巧以弄忠淺察以銜辭義欲婉而正辭欲隱而顯荀卿蠶賦以兆其體至魏文陳思約而密之高貴鄉公博舉品物雖有小巧用乖遠大夫觀古之為隱理周要務豈為童稚之戲謹博解而拊笑哉然文辭之有諧隱譬九流之有小說蓋稗官所采以廣視聽若效而不已則髡祖而入室旃孟之石交乎

贊曰

古之朝隱振危釋僊雖有絲麻無棄管蒯會

義適時頗益諷誠空戲滑稽德音大壞

文心雕龍卷之三終

文心雕龍卷之四

史傳第十六

開闢草昧歲紀綿邈居今識古其載籍手軒
 轅之世史有蒼頡主文之職其來久矣曲禮
 曰史載筆左右使之記已者左史記事者右
 史記言者言經則尚書事經則春秋唐虞流
 于典謨商夏被于誥誓洎周命惟新姬公定
 法紬三正以班曆貫四時以聯事諸侯建邦
 各有國史彰善癉惡樹之風聲自平王微弱
 政不及雅憲章散紊彞倫攸斁夫子閔王道
 之缺傷斯文之墜靜居以歎鳳臨衢而泣麟
 於是就大師以正雅頌因魯史以修春秋舉
 得失以表黜陟徵存亡以標勸戒褒見一字
 貴踰軒冕貶在片言誅深斧鉞然睿旨存亡
 幽隱經文婉約丘明同時實得微言乃原始
 要終創為傳體傳者轉也轉受經旨以授其
 後實聖文之羽翮記籍之冠冕也至從橫之
 世史職猶存秦并七王而戰國有策蓋錄而

弗叙故節簡而為名也漢滅麤項武功積年
 陸賈稽古作楚漢春秋爰及太史談世推執
 簡子長繼至甄序帝勅比堯稱典則位雜中
 賢法孔題經則文非元聖故取式呂覽通雅
 曰紀紀綱之躡亦宏稱故本紀以述皇王列
 傳以總侯伯八書以鋪政體十表以譜年爵
 雖殊古式而得事序焉爾其實錄無隱之旨
 博雅弘辨之才愛竒反經之尤條例躡落之
 失叔皮論之詳矣及班固述漢因循前業觀
 司馬遷之辭思實過非其十志該富讚序弘
 麗儒雅彬彬信有遺味至於宗經矩聖之典
 端緒豐贍之功遺親攘美之罪徵賄鬻筆之
 愆公理辨之究矣觀夫左氏綴事附經間出
 於文為約而氏族難明及史遷各傳人始區
 詳而易覽述者宗焉及孝惠委機呂后攝政
 班史立紀違經實何則庖犧以未未聞女帝
 者也漢運所值難為後法孔雞無衰武王首
 誓婦無與國齊桓者盟宣后亂秦呂氏危漢

豈唯政事難假亦名號宜慎矣張衡同史而或同遷固元年二后欲為立紀謬亦甚矣子弘雖偽要當孝惠之嗣孺子誠微實繼平帝之體二子可紀何有於三后執至于後漢紀傳發源東觀袁張所制偏駁不倫薛謝之作踈謬少信司馬彪之詳實華嶠之準當則其冠也及魏代三雄記傳互出陽秋魏畧之屬江表吳錄之類或激抗難徵踈濶寡要唯陳壽三志文質辨洽首張比之於遷固非妄至譽也於晉代之書擊乎著作陸機肇始而未備王韶續末而不終于寶述紀以審正得序孫盛陽秋以約舉為能按春秋經傳舉例發凡自史漢以下莫有準的至鄧瑛晉紀始立條例又撮畧漢魏憲章殷周雖湘川曲學亦有心典謨及安國立例乃鄧氏之規焉原失載籍之作也必貫乎百姓被之千載表微盛衰殷鑑興廢使一代之制共日月而長存王霸之跡並天地而久大是以在漢之初史

職為盛郡國文計先集太史之府欲其詳悉於體國必閱石室啟金匱抽裂帛檢殘竹欲其博練於稽古也是立義選言宜依經以樹則勸戒與奪必附聖以居宗然後銓評昭整苛濫不作矣然紀傳為式編年綴事文非泛論按實而書歲遠則同異難密事積則起訖易踈斯固總會之為難也或有同歸一事而數人分功兩記則失於複重偏舉則病於不周此又銓配之未易也故張衡摘史班之外濫傳玄譏後漢之尤煩皆此類也若夫追述遠代代遠多偽公羊高云傳聞異辭旬况稱錄遠畧近蓋文親則闕貴信史也然俗皆愛奇莫顧實理傳聞而欲偉其事錄遠而欲詳其跡於是棄同即異穿鑿傍說舊史所無我書則傳此訛濫之本源而述遠巨蠹也至於記編同時同多詭雖定哀微辯而世情利害勲勞之家雖庸夫而盡飾述敗之士雖令德而常唾理欲吹霜噴露寒暑筆端此入同時

之枉可嘆息者也欲述遠則誣矯如彼記近則回邪如此析理居正唯素心乎若乃尊賢隱諱固尼父之聖旨蓋纖瑕不能玷瑾瑜也姦慝懲戒實良史之直筆農夫見莠其必鋤也若斯之科亦萬代一準焉至於尋繁領雜之術務信弁奇之要明白頭訖之序品酌事例之條曉其大綱則衆理可貫然史之為任乃彌綸一代負海內之貴而羸是非之尤秉筆荷擔莫此之勞遷固通矣而歷詆後世若任情失正文其殆哉

贊曰

史筆軒黃體備周孔世歷斯編善惡借總騰褒裁貶萬古莫動辭宗丘明直歸南董

諸子第十七

諸子者入道見志之書太上立德其次立言百姓之群居苦紛雜而莫顯君子之處世疾名德之不章唯英才特達則炳曜垂文騰其姓氏懸諸日月焉昔者力牧伊尹咸其流也

篇述者蓋上古遺語而戰代所記者也至鬻熊知道而文王諮詢餘文遺事錄為鬻子子自肇始莫先於茲及伯陽識禮而仲尼訪問爰序道德以冠百氏然則鬻惟文友李實孔師聖賢並世而經子異矣逮及七國力政俊又蠶起孟軻膺儒以整折莊周述道以翱翔墨翟執儉確之教尹文課名實之符野者治國於地利騶子養政於天文申商刀鋸以制理鬼谷脣吻以策勳尸佼兼總於雜術青史曲綴以街談承流而枝附者不可勝算並飛辨以馳術壓祿而餘榮矣暨于暴秦烈火勢炎崑崗而煙燎之毒不及諸子逮漢成普思子政讐校於是七畧芥非流鱗萃止殺青所編百有八十餘家矣迄至魏晉作者間出調言兼存瓌語必錄類聚而求亦充箱照軫矣然繁雖積而本體易總述道言治枝條五經其純粹者入矩踏駁者出規禮記月令取乎呂氏之紀三年問喪高乎荀子之書此純粹

之類也若乃湯之問棘云蛟睫有雷霆之聲
惠施對梁王云蝸角有伏尸之戰列子有移
山跨海之談淮南有傾天折地之說此躡駭
之類也是以世疾諸混洞虛誕按歸藏之經
大明迂恠乃稱羿斃十日姁娥奔月殷湯如
茲况諸子乎至如商韓六虱五蠹棄孝廢仁
轅繁之禍非虛至也公孫之白馬狐獮辭巧
理拙魏牟比之鸚鳥非妄貶也昔東平求諸
子史記而漢朝不與蓋以史記多兵謀而諸
子雜詭術也然洽聞之士宜撮綱要覽華而
食實棄邪而採正極睇參差亦學家之壯觀
也研夫孟荀所述理懿而辭雅管晏屬篇事
覈而言練列御寇之書氣偉而采奇鄒子之
說心奢而辭壯墨翟隨巢意顯而語質尸佼
尉繚術通而文鈍鵲冠綿綿亟發深言鬼谷
渺渺安環其義情辨以澤文字擅其能辭約
而精尹文得其要慎到析密理之巧韓非著
博喻之富呂氏鑿遠而體周淮南汎採而文

嚴斯則得百氏之華采而辭氣文之大畧也
若夫陸賈典語賈誼新書楊雄法言劉向說
苑王符潛夫崔寔正論仲長昌言杜夷幽求
咸叙經典或明政術雖標論名歸乎諸子何
者博明萬事為子適辨一理為論彼皆蔓延
雜說故入諸子之流夫自六國以前去聖未
遠故能越世高談自開戶牖兩漢以後體勢
浸弱難明于坦塗而類多依採此遠近之漸
變也嗟夫身與時舛志共道申標心於萬古
之上而送懷於千載之下金石靡矣聲其銷
乎

贊曰

大夫處世懷實挺秀辨雕萬物智周宇宙立
德何隱含道必授條流殊述若有區囿

論說第十八

聖世彞訓曰經述經叙理曰論論者倫也倫
理有無聖意不墜昔仲尼微言門人追記故
仰其經目稱為論語蓋群論立名始於茲矣

自論語已前經無論字六韜二論後人追題
手詳觀論體條流多品陳政則與議說合契
釋經則與傳注參體辨史則與贊評齊行銓
文則與叙引共紀故議者宜言說者說語傳
者轉師注者主解贊者明意評者平理序者
次事引者胤辨八名區分一揆宗論論也者
彌綸群言而研一理者也是以莊周齊物以
論為名不韋春秋六論昭列至石渠論藝白
虎通講聚述聖言通經論家之正體也及班
彪五命嚴允三將敷述昭情善入史體魏之
初霸術兼名法蘭敬王粲校練名理迄至正
始務欲守文何晏之徒始盛玄論於是聃周
當路與尼父爭塗矣詳觀蘭石之才性仲宣
之去代叔夜之辨聲太初之本玄輔嗣之兩
例平叔之二論並師心獨見鋒穎精密蓋人
倫之英也至如李康運命同論衡而過之陸
機辨正效過秦而不及然其美矣次及宋代
郭蒙銳思於機神之區夷甫裴頠交辨於有

無之域並獨步當時流聲後代然滯有者全
繁於形用貴無者專守於寂寥徒銳偏解莫
詣正理動極神源其般若之絕境乎逮江左
群談惟玄是務雖有日新而多抽前緒矣至
如張衡譏世韻似排說孔融孝廉但談嘲戲
曹植辨道體同書抄才不持論如其已原夫
論之為體所以辨正然否窮有數追無形迹
堅求通鈞深取極乃百慮之筌蹄萬事之權
衡也故其義貴圓通辭忌枝碎必使心與理
合彌縫莫見其隙辭共心密敵人不知所乘
斯其要也是以論如析薪貴能破理斤利者
越理而橫斷辭辨者反義而取通覽文雖巧
而檢跡如安唯君子能通天下之志安可以
曲論哉若夫注釋為詞解散論體禱文雖異總
會是同若秦君廷之注堯典十萬餘字朱普
之解尚書三十萬言所以通人惡煩差學章
句若毛公之訓詩安國之傳書鄭君之釋禮
王弼之解易要約明暢可謂式矣說者悅也

允為口舌故言咨悅懌過悅必偽故舜驚讒說說之善者伊尹以論味隆殷太公以辨釣與周及燭武行而紆鄭端木出而存魯亦其美也暨戰國爭雄辨士雲踊後橫參謀長短角勢轉九騁其巧辭飛鉗伏其精術一人之辨重於九鼎之寶三寸之舌強於百萬之師六印磊落以佩五都隱賑而封至漢定秦楚辨士弭節屬君既斃於齊鑊蒯子幾入乎漢焉雖復陸賈籍甚張釋傳會杜欽文辨婁護骨舌頡頏萬乘之階抵噓公卿之席並順風以託勢莫能逆波而泝洄矣夫說貴撫會弛張相隨不專緩頰亦在刀筆范雎之言事李斯之止逐客並煩情入機動言中務雖批逆鱗而功成計合此上書之善說也至於鄒陽之說吳梁喻巧而理至故雖危而無咎矣敬通鮑鄧事緩而文繁所以歷聘而罕過也凡論之樞要必使時利而義貞進有契於成務退無阻於榮身自非譎敵則唯忠與信披肝

膽以獻主飛文敏以濟辭此說之本也而陸氏直稱說燁曄以譎誑何哉

贊曰

理形於言叙理成論詞深人天致遠方寸陰陽莫貳鬼神靡遜說爾飛鉗呼吸沮勸

詔策第十九

皇帝御寓其言也神淵嘿黼泉而響盈四表唯詔策乎昔軒轅唐虞同稱為命命之為義制性之本也其在三代事兼誥誓誓以訓戎誥以敷政命喻自天故授管錫胤易之姤象后以施命誥四方誥命動民若天下之有風矣降及七國並稱曰令命者使也秦并天下改命曰制漢初定儀則則命有四品一曰策書二曰制書三曰詔書四曰戒勅勅戒州邦詔誥百官制施赦命策封王侯策者簡也制者裁也詔者告也勅者正也詩云畏此簡書易稱君子以制數度禮稱明君之詔書稱勅天之命並本經典以立名目遠詔近命習秦

制也記稱絲綸所以應接群后虞重納言周
貴疾舌故兩漢詔詰職在尚書王言之大動
入史策其出如綉不反若汗是以淮南有英
才武帝使相如視草隴右多文士光武加意
於書辭豈直取美當時亦敬慎米葉美觀文
景以前詔體浮新武帝崇儒選言弘與策封
三王文同訓典觀戒淵雅垂範後代及制詰
嚴助即云嚴承明廬蓋寵才之恩也孝宣置
書責博士陳遂亦故舊之厚也逮光武撥亂
留意斯文而造次喜怒時或偏濫詔賜鄧禹
稱司徒為克勅責侯霸稱黃鉞一下若斯之
類實乖憲章豈明帝崇學惟詔間出安和政
弛禮閣鮮才每為詔勅倣手外請建安之末
文理代興潘勗九錫典雅逸群衛凱禪誥符
命炳耀弗可加也自魏晉誥策職在中書劉
放張華牙管斯任施命發彌洋洋盈耳魏文
帝下詔辭義多偉至於作威作福其萬慮之
一弊乎晉氏中興唯明帝崇才以溫嶠文清

故中書自斯以後體慮風流矣夫王言崇祕
大觀在上所以百辟其形萬邦作乎故授官
選賢則義炳重離之輝優文封策則氣含風
雨之潤勅戒恒詰則筆吐星漢之華治戎燹
伐則聲有洊雷之威青災肆赦則文有春露
之滋明罰勅法則辭有秋霜之烈此詔策之
大畧也戒勅為文實詔之切者周穆命鄧父
受勅憲此其事也魏武稱作勅戒當指事而
詰勿得依違曉治要矣又晉武勅戒備告石
官勅都督以兵要戒州牧以董司警郡守以
恤隱勅牙門以禦衛有訓典焉戒者慎也禹
稱戒之用休君父至尊在三同極漢高祖之
勅太子東方朔之戒子亦顧命之作也及馬
援已下各貽家戒班姬女戒足稱母師也教
者效也言出而民效也契敷五教故王侯稱
教昔鄭弘之守南陽條教為後所述乃事緒
明也孔融之守北海文教嚴而罕於理乃治
體乖也若諸葛孔明之詳約庾推恭之明斷

並理得而辭中辭之善也自教以下則又有命詩云有命在天明為重也周禮曰師氏詔王為輕命今詔重而命輕者古今之變也

贊曰

皇王施令寅嚴宗誥我有絲言兆民尹好輝音峻舉鴻風遠蹈騰義飛舞煥其大踰

檄移第二十

震雷始於曜電出師先乎威聲故觀電而懼雷壯聽聲而懼兵威兵先乎聲其來已久昔有虞始戒於國夏侯初誓於君殷誓軍門之外周將交刃而誓是故知帝世戒兵三王誓師宣訓我衆未及敵人也至周穆西征祭公謀父稱古有威讓之令今有文告之辭即檄之本源也及春秋征伐自諸侯出懼敵弗服故兵出須名振此威風曝彼昏亂劉獻公之所謂告之以文辭董之以師武者也齊桓征楚告菁茅之闕晉厲伐秦責其郤之焚管仲呂相秦辭先略詳其意義即今之檄文暨乎

戰國始稱為檄檄者噉也宣露於外噉然明白也張儀檄楚書以尺二明白之文或稱露布諸視聽也夫兵以定亂莫敢自專天子親戎則稱龔行天罰諸侯御師則云肅將王誅故分閫推轂奉辭伐罪非唯致果為毅亦且厲辭為武使聲如衡風所繫氣似撓槍所掃奮其武怒總其罪人懲其惡稔之時顯其貫盈之數搖姦宄之膽訂信慎之心使百尺之衝摧折於咫書萬雉之城顛墜於一檄者也觀隗囂之檄亡新有其三逆文不雕飾而辭切事明隴右文士得檄之體矣陳琳之檄壯有骨鯁雖姦闖携養章密太甚發丘模金誣過其虛然抗辭書墨噉然露固矣敢指曹公之鋒幸免袁黨之戮也鍾會檄蜀徵驗甚明桓公檄胡觀舉尤切並壯筆也凡檄之大體或述此休明或叙彼苛虐指天時審人事算強弱角權勢標著龜於前驗懸鑿鑑於已然雖本因信實參兵詐譎詭以馳音焯燁以

騰說凡此衆條莫或違之者也故其植義颺
辨務在剛健揮羽以示迅不可使釋緩露板
以宣衆不可使義隱必事昭而理辯氣盛而
辭斷此其要也若曲趣密巧無所取才矣又
州邦徵吏亦稱為檄固明舉之義也移者易
也移風易俗令往而民隨者也相如之難蜀
老文晚而俞博有移檄之骨焉及劉歆之移
太常辭剛而義辨文移之首也陸機之移百
官言約而事顯武移之要者也故檄移為用
事兼文武其在全革則逆黨用檄煩命資移
所以洗濯民心堅用符契意用小異而體義
大同與檄參伍故不重論也

贊曰

三驅范剛九伐先話肇鑑吉凶著龜成敗摧
壓鯨鯢抵落蜂蠆移寶易俗草偃風邁

文心雕龍卷之四終

文心雕龍卷之五

封禪第二十一

夫正位北辰嚮明南面所以運天樞毓黎獻
者何嘗不經道緯德以勒皇蹟者扒錄圖曰
潭潭鳴為莽莽雉萬物盡化言至德所被
也丹書曰義勝欲則後欲勝義則凶戒慎之
至也則戒慎以崇其德至德以凝其化七十
有二君所以封禪矣昔黃帝神靈克膺鴻瑞
勒功喬岳鑄鼎荆山大舜巡岳顯乎虞典成
虞封禪聞之樂緯及齊桓之霸爰窺王跡夷
吾譎陳距以惟物固知玉牒金鏡專在帝皇
也然則西鸛東鯨南茅北黍空談非徵勲德
而已是史遷八書明述封禪者固禋祀之殊
禮銘珣之祀祀天之壯觀秦始皇銘岱文自
李斯法家辭氣體泛弘潤然踈而能壯亦彼
時之絕采也鋪觀兩漢隆盛孝武禪躡於肅
然光武巡封於梁父請德銘勲乃鴻筆耳觀
相如封禪壽為唱首尔其表權與序皇王炳

玄符鏡鴻業驅前古於當今之下騰休明於
列聖之上歌之以禎瑞讚之以介丘絕筆茲
文固惟新之作也及光武勅碑則文字張純
首胤典謨末同祝辭引鈞識叙離計武功述
文德事覈理舉華不足而實有餘矣凡此二
家並岱宗實跡也及楊雄劇秦班固典引事
非鑄石而體因紀禪觀劇秦為文影寫長卿
詭言遊辭故兼包神恠然骨掣靡密辭貫圓
通自稱極思無遺力矣典引所叙雅有懿乎
歷鑑前作能執厥中其致義會文斐然餘巧
故稱封禪屢而不典劇秦典而不實豈非追
觀易為明循勢易為力歟至於邯鄲受命攀
響前聲風末力寡輯韻成頌雖文理頌序而
不能奮飛陳思魏德倣論客主問答迂緩且
已干言勞深勸寡颺缺缺焉茲文為用蓋一
代之典章也構位之始宜明大體樹骨於訓
典之區選言於宏富之路使意古而不晦於
深文今而不墜於淺義吐光芒辭成廉鏘則

為偉矣雖復道極數殫終然相襲而日新其
來者必超前轍焉

贊曰

封勅帝勅對越天休逖聽高岳聲英克麗樹
石九旻泥金八幽鴻律蟠采如龍如虬

章表第二十二

夫設官分職高卑聯事天子垂珠以聽諸侯
鳴玉以朝敷奏以言明試以功故堯咨四岳
舜命八元固辭再讓之請俞往欽哉之授並
陳舜帝庭匪假書翰然則敷奏以言則章表
之義也明試以功即授爵之典也至太甲既
立伊尹書誠思庸歸亳又作書以饋文翰獻
替事斯見矣周監二代文理彌盛再拜稽首
對揚休命承文受冊敢當丕顯雖言筆未分
而陳謝可見降及七國未變古式言事於王
皆稱上書秦初定制改書曰奏漢定禮儀則
有四品一曰章二曰奏三曰表四曰議章以
謝恩奏以按劾表以陳請議以執異章者明

也詩云為章于天謂文明也其在文物亦白曰章表者標也禮有表記謂德見儀其在器式揆景曰表章表之目蓋取諸此也按七略藝文詒詠必錄章表奏議經國之樞機然闕而不纂者乃各有故事而在職司也前漢表謝遺篇寡存及後漢察舉必試章奏左雄奏議臺閣為式胡廣章奏天下第一並當時之傑筆也觀伯始謁陵之章足見其典文之美焉昔晉文受冊三稜命是以漢末讓表以三為斷曹公稱為表不止三讓又勿得浮華所以魏初表章指事造實求其靡麗則未足美矣至於文舉之薦禰衡氣揚采飛孔明之辭後主志盡文暢雖華實異有並表之英也琳瑯章表有譽當時孔璋稱健則其標也陳思之表獨冠群才觀其體贍而律調辭清而志顯應物掣巧隨變生趣執轡有餘故能緩急應節逮晉初筆札則張華為儔其三讓公封理周辭要引義比事必得其偶世珍鷓鴣莫

顧章表及羊公之辭開府有譽於前談度公之讓中書信美於往再序志顯類有文雅焉劉琨勸進張駿自序文致耿介並陳事之美表也原夫章表文為用也所以對揚王庭昭明心曲既其身文且亦國華章以造闕風矩應明表以致禁骨采宜擢循名課實以為本者也是以章式炳貴志在典謨使要而非略明而不淺表體多包情偽屢遷必雅義以扇其風清文以馳其嚴然懇愜者辭為心使浮侈者情為出使繁約得正華實相勝唇吻不滯則中律矣子貢云心以制之言以結之蓋一辭意也荀卿以為觀人美辭嚴以黼黻文章亦可以喻於斯乎

贊曰

敷奏絳闕獻替黼屨言必貞明義則弘偉肅恭節文條理首尾君子秉文辭今有斐

奏啟第二十三

昔唐虞之臣敷奏以言秦漢之輔上書稱奏

陳政事獻典儀上急變初借謬總謂之奏奏者進也敷于下情進於上也奏始立奏而法家少文觀王縮之奏勳德辭質而義近李斯之奏驪山事略而意逕政無膏潤形於篇章矣自漢來奏事或稱上疏儒雅繼踵殊采可觀若夫賈誼之務農晁錯之兵卒匡衡之定郊王吉之觀禮溫舒之緩獄谷永之諫仙理既切至辭亦通辭可謂識大體矣後漢群賢嘉言罔伏楊秉耿介於災異陳蕃憤懣於尺一骨鯁得焉張衡指摘於史職蔡邕銓列於朝儀博雅明焉魏代名臣文理迭興若高堂天文黃觀教學王朗節省既毅考課亦盡節而知治矣晉氏多難災屯疏移劉頌殷勤於時務溫嶠懇切於費後並體國之忠規矣夫奏之為筆固以明允篤誠為本辨折疏通為首強志足以成務博見足以窮理酌古御今治繁總要此其體也若乃按劾之奏所以明憲清國昔周之太僕繩愆糾繆秦之御史職

主文法漢置中丞總司按劾故位在摯擊砥礪其氣必使筆端振風簡上霏霜者也觀孔光之奏董賢則實其姦回路粹之奏孔融則誣其累惡名儒之與險士固殊心焉若夫傳盛勁直而按辭堅深劉隗切正而劾文濶略各其志也後之彈事迭相斟酌惟新日用而舊準弗差然函人欲全矢人欲傷術在糾惡勢必深峭詩刺讒人投畀豺虎禮嫉無禮方之鸚猩墨翟非儒目以豕彘孟軻譏墨比諸禽獸詩禮儒墨既其如茲奏劾嚴文孰云能免是以世人為文競於詆訶吹毛取瑕次骨為戾復似善罵多矣折衷若能濶禮門以懸規標義路以植矩然後踰垣者折肱捷徑者滅趾何必躁言醜句話病為切執是以立範運衡宜明體要必使理有典刑辭有風軌總法家之式秉儒家之文不畏強禦氣流墨中無縱詭隨聲動簡外乃稱絕席之雄直方之舉耳啟者開也高宗云啟乃心沃朕心取其

義也孝景諱啟故兩漢無稱至魏國策記始云啟聞秦事之末或謹密啟自晉來盛啟用兼表奏陳政言事既奏之異條讓爵謝恩亦表之別幹必斂徹入規促其音節辨要輕清文而不侈亦啟之大略也又表奏確切辨為謹言讜者偏也王道有偏乖乎蕩蕩其偏故曰讜言也孝成稱班伯之讜言貴直也自漢置八儀密奏陰陽皂囊封板故曰封事晁錯受書還士便宜後代便宜多附封事慎機密也夫王臣匪躬必吐謇諤事舉人存故無待泛說也

替白

皂飭司直肅清風禁筆銳干將墨含淳醜雖有次骨無或膚浸獻政陳宜事必任勝

議對第二十四

周爰諮謀是謂為議議之言宜審事宜也易之節卦君子以制度數議德行周書曰議事以制政乃弗迷議貴節制經典之體也昔管

仲稱軒轅有明臺之議則其來遠矣洪水之難克咨四岳宅揆之舉舜疇五人三代所興詢及芻蕘春秋釋宋魯桓務議及趙靈胡服而季父爭論商鞅變法而甘龍交辨雖憲章無弄而同異之觀迄今有漢始立駁議駁者雜也襍議不純故曰駁也自兩漢文明楷式照備藹藹多士發言盈庭若賈誼之通代諸生可謂捷於議也至如主父之駁扶子安國之辨匈奴賈捐之陳於朱崖劉歆之辨於祖宗雖質文不同得事要矣若乃張敏之斷輕侮郭躬之議擅誅程曉之駁校事司馬芝之議貨錢何曾蠲出女之科秦秀定賈充之謚事實允當可謂達議體矣漢世善駁則應劭為首晉代能議則傅咸為宗然仲瑗博古而銓貫以叙長虞識治而屬辭枝繁及陸機斷議亦有鋒穎而腴辭弗剪頓累文骨亦各有美風格存焉夫動先擬議明用稽疑所以敬慎群務弛張治術故其大體所資必樞紐經

典採故實於前代觀通變於當今理不謬搖其枝字不妄舒其藻文郊祀必洞於禮戎事必練於兵佃穀先曉於農斷訟務精於律然後標以顯義約以正辭文以辨潔為能不以繁縟為巧事以明覈為美不以深隱為奇此綱領之大要也若不達政體而舞筆弄文支離構辭穿鑿會巧功空聘其華固為事實所擯設得其理亦為遊辭所理昔秦女嫁晉從文衣之媵晉人貴媵而賤女楚珠鬻鄭為薰桂之積鄭人買積而還珠若文浮於理未勝其本則秦女楚珠復在於茲矣又對策者應詔而陳政也射策者探事而獻說也言中理準譬射侯中的二名雖殊即議之別體也古之造士選事考言漢文中年始舉賢良晁錯對策蔚為舉首及孝武益明旁求俊乂對策者以第一登庸射策者以甲科入仕斯固選賢要術也觀晁氏之對驗古今辭裁以辨事通而瞻超升高第信有徵矣仲舒之對祖術

春秋本陰陽之化究列代之變煩而不思者事理明也公孫之對簡而未博然總要以約文事切而情舉所以太常居下而天子擢上也杜欽之對略而指事辭以致宣不為文作及後漢魯平辭氣質素以儒雅中策以入高第凡此五家並明代之明範也魏晉已來稍務文艱以文紀實所失已多及其來選又稱疾不會雖欲求文弗可得也是以漢欽博士而雉集乎堂晉策秀才而麀與於前無他惟也選失之異耳夫駁議偏辨各執異見對策揄揚大明治道使事深於政術理密於時務酌三五以鎔世而非迂緩之高談馭權變以拯俗而非刻薄之偽論風恢恢而能遠流洋洋而不竭王庭之美對也難矣執士之為才也或練治而寡文或工文而疎治對策所選實屬通才志足文遠不其鮮歟

贊曰

議惟疇政名實相課斷理必綱摘辭無懦對

策王庭同時酌和洽體高乘雅謨遠播

書記第二十五

大舜云書用識哉所以記時事也蓋聖賢言辭總為尚書尚書之為體主言者也揚雄曰言心聲也書心畫也聲畫形君子小人可見矣故書者舒也舒布其言陳之簡牘取象乎史貴在明決而已三代政暇文翰頗踈春秋聘繁書介彌盛統朝贈士會以策子家與趙宣以書巫臣之遺子反子產之諫范宣詳觀四書辭若對面又子服敬叔進弔書於滕君固知行人挈辭多被翰墨矣及七國獻書說屢輻輳漢末筆札辭氣紛紜觀史遷之報任安東方朔之難公孫揚惲之酬會宗子雲之答劉歆志氣繁桓各含殊采並杼軸乎尺素抑揚乎寸心逮後漢書記則崔瑗尤善魏之元瑜踴稱翩翩文舉屬章半簡必錄休連好事留意辭翰抑其次也嵇康絕交實志高而文偉矣趙至贈離迺少年之激切也至如陳

遵占辭百封各意彌衡代書親踈得宜斯又尺牘之偏才也詳總書體本在盡言言以散鬱陶託風采故宜條暢以任氣優柔以慳懷文明從容亦心聲之獻酬也若夫尊貴差序則肅以節文戰國以前君臣同書秦漢立儀始有表奏王公國內亦稱奏書張敞奏書於膠后其義美矣迄至後漢稍有名品公府奏記而郡將奏牋記之言志進已志也牋者表也識表其情也崔寔奏記於公府則崇讓之德音矣黃香奏牋於江夏亦肅恭之遺式矣公幹牋記屢而規益于桓弗論故世所共遺若略名取實則有美於為詩矣劉廙謝恩喻切以至陸機自理情周而巧牋之為善者也原牋記之為式既上窺乎表亦下睨乎書使敬而不懈簡而無傲清美以惠其才瑰蔚以文其響蓋牋記之分也夫書記廣大衣被事體筆劄雜名古今多品是以總領黎庶則有譜籍簿錄暨歷星筮則有方術占試申憲述

兵則有律命法制朝市徵信則有符契券疏
百官詢事則有關刺解牒萬民達志則有狀
列辨諺並述理於心著言於翰雖藝文之末
品而政事之先務也故謂諳者普也注序世
統事資周普鄭氏譜詩蓋取乎此籍者借也
歲借民力條之於版春秋司籍即其事也簿
者圖也草木區別文書類聚張湯李廣為吏
所簿別情偽也錄者領也古史世本編以簡
策領其名數故曰錄也方者隅也鑿藥攻病
各有所主專精一隅故藥術稱方術者路也
筭歷極數見路乃明九章積微故稱為術淮
南萬畢皆其類也占者覘也星辰飛伏伺候
乃見精觀書雲故曰占也式者則也陰陽盈
虛五行消息變雖不常而稽之有則也律者
中也黃鍾調起五音以正音以正法律馭民
八形克平以律為名取中正也令者命也出
命申禁有若自天管仲下命如流水使民從
也法者象也兵謀無方而奇正有象故曰法

也制者裁也上行於下匠之制器也符者厚
也徵召防偽事資中孚三代玉麟漢世金竹
末代從省易以書翰矣契者結也上古純質
結繩執契今羗胡徵數負販記繆其遺風歟
券者束也明白約束以備情偽字形半分故
周稱判書古有鐵券以堅信誓王褒解奴則
券之楷也疏者布也布置物情撮題近意故
小券短書踰為疏也關者閉也出入由門關
閉由審庶務在政通塞應詳韓非云孫亶四
聖相也而關於州部蓋謂此也刺者達也詩
人諷刺周禮三刺事叙相達若針之通結矣
解者釋也解釋結滯徵事以對也牒者葉也
短簡編牒如葉在枝溫舒戴蒲即其事也議
政未定故短牒咨謀牒之尤密謂之為籤籤
者籤密者也狀者貌也禮貌本原取其事實
先賢表謚並有行狀狀之大者也列者陳也
陳列事情昭然可見也辭者舌端之文通已
於人子產有辭諸侯所賴不可已也諺者直

語也表言亦不及交故弔亦稱謬塵路淺言
 有實無華鄒穆公云囊漏儲中皆其類也太
 誓云古人有言牝雞無晨大雅云人亦有言
 惟憂用老並上古遺諺詩書可引者也至於
 陳琳諫辭稱掩目捕雀潘岳哀辭稱掌珠仇
 儷並引俗說而為文辭者也夫文辭鄙俚莫
 過於諺而聖賢詩書採以為談况踰於此豈
 可忽哉觀此四條並書記所總或事本相通
 而文意各異或全任質素或雜用文綺隨事
 立體貴乎精要意少一字則義闕句長一言
 則辭妨並有司之實務而浮藻之所忽也然
 才冠鴻筆多踈尺牘譬九方堙之識駿足而
 不知毛色牝牡也言既身文信亦邦瑞翰林
 之士恩理實焉

贊曰

文藻條流託在筆札既馳金相亦運木訥萬
 古聲薦千里應拔庶務紛綸因書乃察
 文心雕龍卷之五終

文心雕龍卷之六

梁通事舍人東莞劉勰彥和著

神思第二十六

古人云形在江海之上心存魏闕之下神思
 之謂也文之思也其神遠矣故寂然凝慮思
 接千載悄焉動容視通萬里吟詠之間吐納
 珠玉之聲肩睫之前卷舒風雲之色其思理
 之致乎故思理為妙神與物游神居會臆而
 志氣統其關鍵物汭耳目而辭令管其樞機
 樞機方通則物無隱貌關鍵將塞則神有遊
 心是以陶鈞文思貴在虛靜疏淪五藏澡雪
 精神積學以儲寶酌理以富才研閱以窮照
 馴致以繹辭然後使玄解之宰尋聲律而定
 墨獨照之匠闕意象而運斤此蓋馭文之首
 術謀篇之大端夫神思方運萬塗競萌規矩
 虛位刻鏤無形登山則情滿於山觀海則意
 溢於海我才之多少將與風雲而並驅矣方
 其搦翰氣倍辭前暨乎篇成半折心始何則

意翻空而易奇言微實而難巧也是以意授於思言授於意密則無際疎則千里或理在方寸而求之域表或義在咫尺而思隔山河是以秉心養術無務苦慮合章司契不必勞情也人之稟才遲速異分文之制體大小殊功相如含筆而腐毫揚雄輟翰而驚夢桓譚疾感於苦思王充氣竭於思慮張衡研京以十年左思練都以一紀雖有巨文亦思之緩也淮南崇朝而賦騷枚臯應詔而成賦子建援牘如口誦仲宣舉筆似宿構阮瑀據案而制書欄衡當食而草奏雖有短篇亦思之速也若夫駿騁之士心總要術敏在慮前應機立斷覃思之人情競岐路鑿在疑後研慮方定機敏故造次而成功慮疑故愈久而致績難易雖殊並資博練若學淺而空遲才疎而徒速以斯成器未之前聞是以臨篇綴慮必有二患理鬱者若貧辭溺者傷亂然則博聞為饋貧之糧貫一為拯亂之藥博而能一亦

有助乎心力矣若情數詭雜體變遷質拙辭或孕於巧義庸事或萌於新意視布於府雖未費行軸獻功煥然乃珍至於思表纖旨文外曲致言所不追筆固知止至精而後聞其妙至變而後通其數伊摯不能言此輪扁不能語斤其微矣乎

贊曰

神用象通情變所孕物以貌求心以理勝刻鏤聲律萌芽比興結慮司契垂惟制勝

體性第二十七

夫情動而言形理發而文見蓋泐隱以至顯因內而符外者也然才有庸雋氣有剛柔學有淺深習有雅鄭並情性所燦陶染所疑是以筆區雲謫文苑波詭者矣故辭理庸雋莫能翻其才風趣剛柔寧或改其氣事義淺深未聞乘其學體式雅鄭鮮有反其習各師成心其異如面若總其歸塗則數窮八體一曰典雅二曰遠奧三曰精約四曰顯附五曰繁

綺六曰壯麗七曰新奇八曰輕靡典雅者鎔
 式經誥方軌儒門者也遠奧者韻采典文經
 理玄宗者也精約者覆子省句剖析毫釐者
 也顯附者辭直義暢切理厭心者也繁縟者
 博喻讓采煒燁枝派者也壯麗者高論宏裁
 卓爍異采者也新奇者擯古競今危側趣說
 者也輕靡者浮文務植縹緲附俗者也故雅
 與奇反奧與顯殊繁與約舛壯與輕乖文辭
 根葉苑囿其中矣若夫八體屢遷功以學成
 才力居中肇自血氣氣以實志志以定言吐
 納英華莫非情性是以賈生俊發故文潔而
 體清長卿傲誕故理侈而辭溢子雲沉寂故
 志隱而味深子政簡易故趣昭而事博孟堅
 雅懿故裁密而思靡平子淹通故慮周而藻
 密仲宣躁銳故穎出而才果公幹氣褊故言
 壯而情駭嗣宗傲儻故響逸而調遠叔夜雋
 俠故興高而采烈安仁輕敏故鋒發而韻流
 士衡矜重故情繁而辭隱觸類以推表裏必

符豈非自然之恒資才氣之大略拔夫才有
 天資學慎始習斲梓染絲功在初化器成綵
 定難可翻移故童子彫琢必先雅製必根討
 葉思轉自圓入體雖殊會通合數得其環中
 則輻湊相成故宜摹體以定習因性以練才
 文之司南用此道也

贊曰

才性異區文體繁詭辭為膚根志實骨體雅
 譽黼黻淫巧未紫習亦疑真功必漸靡

風骨第二十八

詩總六義風冠其首斯乃化感之本源志氣
 之符契也是以怛悵述情必始乎風沉吟鋪
 辭莫先於骨故辭之待骨如體之樹骸情之
 含風猶形之包氣結言端直則文骨成焉意
 氣駿爽則文風清焉若豐藻克贍風骨不飛
 則振采失鮮負聲無力是以綴慮裁篇務盈
 守氣剛健既實輝光乃新其為文用譬征鳥
 之使翼也故練於骨者析辭必精深乎風者

述情必顯，捶字堅而難移，結響疑而不滯。此風骨之力也。若瘠義肥辭，繁雜失統，則無骨之徵也。思不環周，索課乏風，則無風之驗也。昔潘勗錫魏，思摹經典，群才翰筆，乃其骨體峻也。相如賦仙，氣踈凌雲，蔚為辭宗，迺其風力道也。能鑿斯要，可以定文。茲術或違，無務繁采。故魏文稱文以氣為主，氣之清濁有體，不可力强而致。故其論孔融則云：體氣高妙。論徐幹則云：時有濟氣。論劉楨則云：時有逸氣。公幹亦云：孔氏卓卓，信含異氣。筆墨之性，殆不可勝。並重氣之旨也。夫翬翟備色，翹翥百步，肌豐而力沈也。鷹隼之采，翰飛戾天，骨勁而氣猛也。文章才力，有似於此。若風骨乏采，則驚集翰林，采乏風骨，則雉窟文囿。唯藻耀而高翔，固文筆之鳴鳳也。若夫鎔冶經典，之範，翔集子史之術，洞曉情變，曲昭文體，然後能享甲新意，雕畫奇辭，昭體故意，新而不亂，曉變故辭，奇而不贅。若骨采未圓，風辭未

練而跨，畧舊規，馳騫新作，雖獲巧意，危敗亦多。豈空結奇字，紕繆而成，輕矣。周書云：辭尚體要，弗惟好異。蓋防文濫也。然文術多門，各適所好，明者弗授，學者弗師。於是習華隨侈，源道忘反。若能確乎正式，使文明以健，則風清骨峻，篇體光華，能研諸慮，何遠之有哉。

贊曰

情與氣偕，辭共體並。文明以健，珪璋乃聘。蔚彼風力，箴此骨鯁。才鋒峻立，符采克炳。

通變第二十九

夫設文之體，有常變。文之數，無方。何以知其然耶？九詩賦書記名理，相因此有常之體也。文辭氣力，通變則久。此無方之數也。名理有常體，必資於故實。通變無方數，必酌於新聲。故能騁無窮之路，飲不竭之源。然綆短者，街渴足疲者，輟塗非文理之數。畫乃通變之術，疎牙故論文之方。譬諸草木，根幹麗土而同性，臭味晞陽而異品矣。是以九代詠歌，志合

文財黃歌斷竹質之至也唐歌在昔則廣於
 黃世虞歌鄉雲文於唐時夏歌離騷縉於虞
 代商周篇什麗於夏年至於序志述時其揆
 一也暨楚之騷文矩式周人漢之賦頌影寫
 楚世魏之薦制顧慕漢風晉之辭章瞻望魏
 采確而論之則黃唐淳而質虞夏質而辨商
 周麗而雅楚漢侈而艷魏晉淺而綺宋初訛
 而新從質及訛彌近彌澹何則競今踈古風
 味氣衰也今才穎之士刻意學文多畧漢篇
 師範宋集雖古今備閱然近附而遠踈矣夫
 青生於藍絳生於菨雖踰本色不能復化桓
 君山云予見新進麗文美而無採及見劉揚
 言辭常輒有得此其驗也故練青濯錦必歸
 藍菨矯訛翻淺還宗經誥斯斟酌乎質文之
 間而櫟括乎雅俗之際可與言通變矣夫誇
 張聲貌則漢初已極若茲厥後循環相因雖
 軒翥出輒而終入籠內枚乘七發云通望今
 東海虹洞兮蒼天相如上林云視之無端察

之無涯日出東沼月生西陂馬融廣城云天
 地虹洞因無端涯大明出東月生西陂陽雄
 校獵云出入日月天與地杳張衡西京云日
 月於是乎出入象扶桑於蒙汜此並廣寓極
 狀而五家如一諸如此類莫不相循參伍因
 革通變之數也是以規畧文統宜宏大體先
 博覽以精閱總綱紀而攝契然後拓衢路直
 關鍵長轡遠馭從容按節憑情以會通負氣
 以適變采如宛虹之奮鬣毛若長離之振翼
 迺穎脫之文矣若乃齷齪於偏解矜激乎一
 致此庭間之迴驟豈萬里之逸步哉

贊曰

文律運周日新其業變則其久通則不乏趨
 曉必果乘機無法望今制奇參古定法

定勢第三十

夫情致異區文變殊術莫不因情立體即體
 成勢也勢者乘利而為制也如機發矢直潤
 曲文回自然之趣也圓者規體其勢也自轉

方者矩形其勢也自安文章體勢如斯而已
是以模經為式者自入典雅之懿効驗命篇
者必歸豔逸之華綜意淺切者類乏醞籍斷
辭辨約者率乘繁縟譬激水不漪槁木無陰
自然之勢也是以繪事固色文辭盡情色採
而犬馬殊形情交而雅俗異勢鎔範所擬各
有司匠雖無嚴邪難得踰越然淵乎文者並
總群勢竒正雖反必兼解以俱通剛柔雖殊
必隨時而適用若爰典而惡華則兼通之理
偏似夏人爭弓矢執一不可以獨射也若雅
鄭而共篇則總一之勢離是楚人鬻矛譽盾
兩難得而具售也是以括囊雜體切在銓別
宮商朱紫隨勢各配章表奏議則準的乎雅
頌賦頌歌詩則羽儀乎清麗符檄書移則措
式於明斷史論序注則師範於覈要箴銘碑
誄則體制於弘深連珠七辭則從事於巧豔
此循體而成勢隨變而立功者也雖復契會
相參節文互雜譬五色之錦各以本采為地

矣桓譚稱文家各有所慕或好浮華而不知
實數或美衆多而不見要約陳思亦云世之
作者或好煩文博採深沈其旨者或好離言
辨白分毫析釐者所習不同所務各異言勢
殊也劉楨云文之體指實強弱使其辭已盡
而勢有餘天下一人耳不可得也公幹所談
頗亦兼氣然文之任勢勢有剛柔不必壯言
慷慨乃稱勢也又陸雲自稱往日論文先辭
而後情尚勢而不取悅澤及張公論文則欲
宗其言夫情固先辭勢實須澤可謂先迷後
能從善矣自近代辭人率好詭巧原其為體
詭勢所變厭黷舊式故穿鑿取新察其詭意
似難而實無他術也反正而已故文反正為
之辭反正為竒效竒之法必顛倒文向上字
而抑下中辭而出外回互不常則新色耳夫
通衢夷坦而多行捷徑者趨近故也正文明
白而常務反言者適俗故也然密會者以意
新得巧苟異者以失體成怪舊練之才則執

正以馭奇新學之銳則逐奇而失正勢流不
反則文體遂弊秉茲情術可無思和

贊曰

形生勢成始末相承湍迴似規矢激如繩因
利騁節情采自凝狂轡學步力心襄陵

文心雕龍卷之六 終

文心雕龍卷之七

情采第三十一

聖賢書辭總稱文章非采而何夫水性虛而
淪猗結木體實而華萼根文附質也虎豹無
文則鞞同犬羊犀兕有皮而色資丹漆質待
文也若乃綜述性靈敷寫器象鏤心鳥跡之
中織辭魚網之上其為彪炳綉彩名矣故立
文之道其理有三一曰形文五色是也二曰
聲文五音是也三曰情文五性是也五色雜
而成黼黻五音比而成韶夏五情發而為辭
章神理之數也孝經垂典喪言不文故知君
子嘗言未嘗質也老子疾偽故稱美言不信
而五千精妙則非棄美矣在周云辯雕萬物
謂藻飾也韓非云豔采辯說謂綺麗也綺麗
以豔說藻飾以辯雕文辭之變於斯極矣研
味孝老則知文質附乎性靜詳覽莊韓則見
華實過乎滛侈若擇源於涇渭之流按鑿於
邪正之路亦可以馭文采矣夫鈇黛所以飾

容而矜情生於淑姿文采所以飾言而辯麗本於情性故情者文之經辭者理之緯經正而後緯成理定而後辭暢此立文之本源也昔詩人什篇為情而造文辭人賦頌為文而造情何以明其然蓋風雅之興志思蓄憤而吟詠情性以諷其上此為情而造文也諸子之徒心非鬱陶苟馳夸飾鬻聲釣世此為文而造情也故為情者要約而寫真為文者淫靡而煩濫而後之作採濫忽真遠棄風雅近師辭賦故體情之製日踈逐文之篇愈盛故有志深軒冕而汎詠皐壤心纏幾務而虛述人外真宰弗存翻其反矣夫桃李不言而成蹊有實存也男子樹蘭而不芳無其情也夫以草木之微依情待實况乎文章述志為本言與志反文豈足徵是以聯辭結采將欲明理采濫辭詭則心理愈翳固知翠綸桂餌反所以失魚言隱榮華殆謂此也是以衣錦聚衣惡文太章貴象寤白貴乎反本夫能設

謨以位理擬地以置心心定而後結音理正而後摘藻使文不減質博不溺心正采輝乎朱藍間色屏於紅紫乃可謂雕琢其章彬彬君子矣

贊曰

言以文遠誠於斯驗心術既形英華乃贈吳錦好渝蕤英徒豔繁采寡情味之必厭

鎔裁第三十二

情理設乎其位文采行乎其中剛柔以立本變通以趨時立本有體意或偏長趨時無方辭或繁雜蹊要所司職在鎔裁隱括情理矯揉文采也規範本體謂之鎔剪裁浮詞謂之裁裁則蕪穢不生鎔則綱領昭暢譬繩墨之審分斧斤之斲削矣駢授技指由侈於性附贅懸疣實侈於形一意兩出義之駢枝也同辭重句文之肫贅也凡思緒初發辭采告雜心非權衡勢必輕重是以草創鳴筆先標三犂履端於始則設情以位體舉正於中則酌

事以取類歸餘於終則撮辭以舉要然後舒
 華布實獻贊節文繩墨以外美材既斷故能
 首尾圓合條貫始序若術不紊定而委心逐
 辭異端藜至駢贊必多故三準既定次討定
 句句有可削足見其疎字不得成乃知其密
 精論要語極畧之體遊心竄句極繁之體謂
 繁與畧適分所好引而伸之則兩句數為一
 章約以貫之則一章剛成兩句思贍者善數
 才覈者善剛善剛者字去而意留善數者辭
 殊而義顯字剛而意闕則短乏而非覈辭數
 而言重則蕪穢而非贍昔謝文王濟西河文
 士張俊以為文繁而不可刪濟畧而不可益
 若二子者可謂練鑄裁而曉繁畧矣至如士
 衡才優而綴辭尤繁士龍思劣而雅好清省
 及雲之論機亟恨其多而稱清新相接不以
 為病蓋崇友于耳夫美錦製衣修短有度雖
 翫其采不倍領袖巧猶難繁况在乎拙而文
 賦以為榛楛勿剪庸音足曲其識非不鑒乃

情苦若繁也夫百節成體共資榮衛萬趣會
 文不離辭情若情周而不繁辭運而不濫非
 夫鎔裁何以行之乎

贊曰

篇章戶牖左右相瞰辭如川流溢則泛濫權
 衡損益斟酌濃淡多繁剪穢施於負擔

聲律第三十三

夫音律所始本於人聲者也聲含宮商角徵
 血氣先王因之以制樂歌故知器為人聲聲
 非學器者也故言語者文章神明樞機吐納
 律呂唇吻而已古之教歌先揆以法使疾呼
 中宮徐呼中徵夫商徵響高宮羽聲下抗喉
 矯舌之差攢唇激齒之異廉肉相準皎然可
 分今操琴不調必知改張摘文乖張而不識
 所調響在彼絃乃得克諧聲萌我心更失和
 律其故何哉良由外聽難為聰也故外聽之
 易絃以手定內聽之難聲與心紛可以數求
 難以辭逐凡聲有飛沉響有雙聲隔字而每

舛疊韻雜句而必睽沉則響發而斷飛則聲
颺不還並轍轡交往逆鱗相比迺其際會則
往蹇來連其為疾病亦文家之吃也夫吃文
為患生於好說逐新趣異故喉脣糾紛將欲
解結務在剛斷左礙而尋右未滯而討前則
聲轉於吻玲玲如振玉辭靡於耳響繁如貫
珠矣是以聲畫妍蚩寄在吟詠吟詠滋味流
於下句氣力窮於和韻異音相從謂之和同
聲相應謂之韻韻氣一定故餘聲易遣和體
抑揚故遺響難契屬筆易巧而選和至難綴
文難精而作韻甚易雖纖意曲變非可縷言
然振其大綱不出茲論若夫宮商大和譬諸
吹簫翻迴取均頗似調瑟資移柱故有時
而乖貳簫含定管故無往而不壹陳思潘岳
吹簫之調也陸機左思瑟柱之和也繁舉而
推可以類見又詩人綜韻率多清切楚辭辭
楚故詭韻寔繁及張華論韻謂士儻多楚文
賦亦稱知楚不易可謂銜靈均之聲餘夫黃

鍾之正響也凡切韻之動勢若轉圓訛音之
作甚於柶方免乎柶方則無大過矣練才洞
格剖字鑽響識鑿濶畧隨音所遇若長風之
過穎流水之浮花鄭人之買情東華之吹竽
耳古之佩玉左宮右徵以節其步聲不失序
音以律文其可忘哉

贊曰

標清務遠比音則近吹律曾臆調鐘脣吻聲
得鹽梅響滑榆檣割棄支離宮商難隱

章句第三十四

夫設情有宅置言有位宅情曰章位言曰句
故章者明也句者局也局言者聯字以分疆
明情者總義以包體區吟相異而衢路交通
矣夫人之立言因字而生句積句而為章積
章而成篇篇之彪炳章無疵也章之明靡句
無玷也句之清英字不妄也根本而未從知
一而萬異矣夫裁文匠筆篇有大小離章合
句調有緩急隨變適會莫見定準句司數字

待相接以為用章總一義須意窮而成體其
 控引情理送迎際會譬舞容迴環而有綴兆
 之位歌聲靡曼而有抗墜之節也尋詩人擬
 喻雖斷章取義然章句在篇如蠶之抽緒原
 始要終體必鱗次啟行之辭逆萌中篇之意
 絕筆之言追勝前句之旨故能外文綺交內
 義脉注跗萼相銜首尾一體若辭失其明則
 羈旅而無友事乘其次則飄寓而不安是以
 搜句忌於顛倒裁章貴於順序斯固情趣之
 指歸文筆之同致也若夫筆句無常而字有
 條數四字密而不促六字格而非緩或變之
 以三五蓋應機之權節也至於詩頌大體以
 四言為正雅析父肇裡以二言為句尋二言
 肇於黃世竹彈之謠是也三言興於虞時元
 首之詩是也四言廣於夏年洛汭之歌是也
 五言見於周代行路之章是也六言七言雜
 出詩騷而體之篇成於兩漢情數運周隨時
 代用矣若乃改韻從調所以節文辭氣賈誼

枚乘兩韻輒易劉歆桓譚百句不遷亦各有
 其志也昔魏武論賦嫌於積韻而善於資代
 陸雲亦稱四言轉句以四句為佳觀彼制韻
 志同枚賈然兩韻輒易則聲韻微躁百句不
 遷則唇吻告勞妙才激揚雖觸思利貞曷若
 折之中而庶保無咎又詩人以分字入於句
 限楚辭用之字出句外尋今字承句乃語助
 餘聲舜詠南風用之久矣而魏武弗好豈不
 以無益文義耶至於夫惟蓋故者發端之首
 唱之而於以者乃剗句之舊體乎扒矣也亦
 送末之常科據事似閑在用實切巧者迴運
 彌縫文體將令數句之外得一字之助矣外
 字難謬况章句歟

贊曰

斷章有檢積句不恒理資配主辭忌告朋環
 情草調宛轉相騰離同合異以盡厥能

麗辭第三十五

造化賦形支體必雙神理為用事不孤立夫

心生文辭運裁百慮高下相須自然成對唐
虞之世辭未極文而韋陶贊文罪疑惟輕功
疑惟重蓋陳謨云滿招損謙受益豈營麗辭
卒然對耳易之文繁聖人之妙思也序乾四
德則八句相銜龍虎類感則字字相儷乾坤
易簡則宛轉相承日月往來則隔行懸合雖
句字或殊而偶意一也至於詩人偶章大夫
聯辭奇偶適變不勞經營自揚焉張蔡崇盛
麗辭如宋畫吳治刻形鏤法麗句與深采並
流偶意共逸韻俱發至魏晉群才析句彌恣
聯字合趣割毫析釐然契機者入巧浮儻者
無功故麗辭之體凡有四對言對為易事對
為難反對為優正對為劣言對者雙比空辭
合者也事對者並舉人驗者也反對者理殊趣
修容乎禮園翔翔乎書圃此言對之類也宋
王神女賦云毛嬙鄠袂不足程式西施掩面
比之無色此事對之類也仲宣登樓云鍾儀

幽而楚奏莊鳥顯而越吟此反對之類也孟
陽七哀云漢祖想粉榆光武思白水此正對
之類也凡偶辭膏臆言對所以為易也微人
之學事對所以為難也幽顯同志反對所以
為優也並貴共心正對所以為劣也又以事
對各有反正指類而求萬條自昭然矣張華
詩稱遊鴈比翼翔歸鴻知接翮劉琨言詩宣
尼悲獲麟西狩涕孔丘若斯重出即對句之
駢枝也是以言對為美貴所精巧事對所先
務在允當若兩事相配而優劣不均足驥在
左驂驚為右服也若夫事或孤力莫與相偶
是夔之一足蹇蹕而行也若氣無奇類文之
異采碌碌麗辭則昏睡耳目必使理圓事密
聯璧其章迭用奇偶節以雜佩乃其貴耳類
此而思理斯見也

贊曰

體植必兩辭動有配左提右挈精味兼載炳
鑠聯華鏡靜含態玉潤雙流如彼珩佩卷

文心雕龍卷之八

比興第三十六

詩文弘奧包韞六義毛公述傳獨標興體豈不以風通而賦同比顯而興隱哉故此者附也興者起也附理者切類以指事起情者依微以擬議起情故興體以立附理故比例以生比則畜憤以斥言興則環譬以記諷蓋隨時之義不一故詩人之志有二也觀夫興之託諭婉而成章稱名也小取類也大關睢有別故后妃方德尸鳩貞一故夫人象義義取其貞無從於夷禽德貴其別不嫌於鷺鳥明而未融故發注而後見也且何謂為比蓋寫物以附意颺言以切事者也故金錫以喻明德珪璋以譬秀民螟蛉以類教誨蜩蟻以寫號呼澣衣以擬心憂卷席以方志固凡斯切象皆比義也至如麻衣如雪兩駮如舞若斯之類皆比類者也襄楚信讒而三閭忠烈詩製騷諷兼比興炎漢雖盛而辭人夸毗詩刺

道喪故興義銷亡於是賦頌先鳴故此體雲構紛紜雜選信舊章矣夫比之為義取類不常或喻於聲或方於貌或擬於心或譬於是宋玉高唐織條悲鳴聲似竽籟此比聲之類也枚乘荒園云焱焱紛紛若塵埃之間白雲此則比貌之類也賈生鵬賦云禍之與福何異亂縵此以物比理者也王褒洞簫云優柔溫潤如慈父之愛子也此以聲比心者也馬融賦云繁縟絡繹范蔡說之以響比辯者也張衡南都云起鄭舞要抽緒此以容比物者也若斯之類辭賦所先日用乎比月忘乎興習小而棄大所以文謝於周人也至於楊班之倫曹劉以下圖狀山川影寫雲物莫不纖綜比義以敷其華驚聽回視實此效績又安仁螢賦云流金在沙季膺春詩云春條若總翠皆其義者也故此類雖繁以切至為貴若刺鶴類為則無所取焉

贊曰

詩人比興觸物圓覽物雖明越合則肝膽擬容取心斷辭必敢措雜詠歌如川之渙

夸飾第三十七

夫形而上者謂之道形而下者謂之器神道難摹精言不能追其極形器易寫壯辭可得喻其真才非短長理自難易耳故自天地以降豫入聲貌文辭所被夸飾恒存雖詩書雅言風格訓世事必宜廣文亦過焉是以言峻則高高極天論狹則河不容舠說多則子孫千億稱少則民靡子遺襄陵舉滔天之日倒戈立漂杵之論辭雖已甚其義無害也且夫鴉音之醜豈有洋林而變好茶味之苦寧以周原而成飴並意深褒讚故義成矯飾大聖所錄以垂憲章孟軻所說詩者不以文害辭不以辭害意也自宋玉景差章飾始盛相如憑風詭濫愈甚故上林之館奔星與宛虹入軒從禽之盛飛燕與鶴俱獲及揚雄甘泉酌其餘波語環奇則假珍於玉樹言峻極則

顛墜於鬼神至東都之北目西京之海若驗理則理無不驗窮飾則飾猶未窮矣又子雲校獵鞭宓妃以饒屈原張衡羽獵困玄冥於朔野樂彼洛神既非魑魅惟此水怪亦非魑魅而虛用濫形不其踈乎此欲夸其威而其事義睽刺也至如氣貌山海體勢宮殿嵯峨揭業熠燿焜煌之狀光采煒煒而欲然聲貌岌岌其將動矣莫不因夸以成狀必飾而得奇也於是後進之才獎氣挾聲軒翥而欲奮飛騰躑而羞跼步辭入煒燁春藻不能程其豔言在萎絕寒谷未足成其凋談歡則字與笑並論感則聲共泣借言可以發蘊而飛滯披瞽而駭聾美然飾窮其要則心聲鋒起夸過其理則名實兩乖若能酌詩書之曠肯剪揚馬之甚恭使夸而有節飾而不詘亦可謂之懿也

贊曰

夸飾在用文豈循檢言必鵬運氣靡鴻漸倒

海採珠傾崑取琰曠而不溢奢而無玷

事類第三十八

事類者蓋文章之外据事以類義援古以證今者也昔文王繇易剖判爻位既濟九三遠引高宗之伐明夷六五近書箕子之貞斯畧舉人事以徵義者也至若胤征羲和陳正典之訓盤庚誥民叙遷任之言此全引成辭以明理者也然則明理引乎成辭徵義舉乎人事適聖賢之鴻謨經籍之通矩也大畜之象君子以多識前言往行亦有包於文矣觀夫屈宋屬篇蹄依詩人雖引古事而莫取舊辭唯賈誼鵬賦始用鷓冠之說相如上林撮引李斯之書此萬分之一會也及揚雄六官箴頗酌於詩書劉歆遂初賦歷叙於紀傳漸漸綜採矣至於崔班張蔡遂摭漁經史華實布護因書立功皆後人之範式也夫薑桂同地辛在本性文章由學能在天資才自內發學以外成有飽學而才餒有才富而學貧學貧

者迺運於事義才餒者劬勞於辭情此內外之殊分也是以屬意立文心與筆謀才為盟主學為輔佐主佐合德文采必霸才學備狹雖美少功夫以子雲之才而自奏不學及觀書石室乃成鴻采表裏相資古今一也故魏武稱張子之文為拙然學問膚淺所見不博專拾掇崔杜小文所作不可悉難難便不知所出斯則寡聞之病也夫經典沈深載籍浩汗寶群言之奧區而才思之神臯也楊班以下莫不取資任力耕耨縱意漁獵操刀能割必裂膏腴是以將贍才力務在博見狐腋非一皮能溫雞蹠必數千而飽矣是以綜學在博取事貫約按練務精摭理須覈衆美輻湊表裏發輝劉邵趙都賦客云公子之客叱勁楚令軟盟管庫隸臣呵強秦使鼓缶用事如斯可謂理得而義要矣故事得其要雖小成績譬寸轄制輪尺樞運關也或微言美事置於閑是綴金翠於足脛靚粉黛於曾臆也凡

用舊合機不啻自其口出引事乖謬雖千載而為瑕陳思群才之英也報孔書云葛天氏之樂千人唱萬人聽者因以箴韶夏美此引事之實謬也按葛天之歌唱和三人而已相如上林云秦陶唐之舞聽葛天之歌千人唱萬人和唱和千萬人乃相如接人然而濫侈為天推三成萬者信賦妄書致斯謬也陸機園葵詩云庇足同一智生理合異端夫葵能衛是事譏鮑莊葛葛庇根辨自樂豫若壁葛為葵則引事為謬若謂庇勝衛則政事失真斯又不精之患夫以子建明練士衡沈密而不免於謬曹仁之謬高唐又曷足以朝哉夫山木為良匠所度經書為文士所擇木美而定於斧斤事美而制於刀筆研思之士無慙匠石矣

贊白

經籍深富辭理遐亘皜如江海鬱若鼠鄧文粹共採瓊珠交贈用人若已古來無情

練字第三十九

夫文象列而結繩移鳥跡明而書契作斯乃言語之體貌而文章之宅宇也蒼頡造之鬼哭粟飛黃帝用之官治民察先王聲教書必同文輶軒之使紀言殊俗所以一字體總異音周禮保章氏掌教六書秦威舊章以吏為師及李斯刪籀而秦篆興程邈造隸而古文廢漢初章律明著厥法太史學童教試六體又吏民上書字謬輒劾是以馬字缺畫而石建懼死雖云性慎亦時重文也至孝武之世則相如讓篇及宣成二帝徵集小學張敞以正讀傳業楊雄以奇字纂訓並貫練雅頌總閱音義鳴筆之徒莫不洞曉且多賦京苑候借形聲是以前漢小學率多瑣字非獨制異乃共曉難也暨乎後漢小學轉疎文隱訓臧否太宰及魏代綴藻則字有常檢追觀漢作翻成阻奧故陳思稱揚馬之作趣幽旨深讀者非師傅不能析其辭非博學不能綜其

理豈直才懸抑亦字隱自晉來用字率從簡
 易時並習易人誰取難今一字說異則群句
 震驚三人弗識則將成字妖矣後世所同曉
 者雖難斯易時所共廢雖易斯難趣舍之間
 不可不察夫爾雅者孔徒之所慕而詩書之
 襟帶也蒼頡者李斯之所輯而烏籀之遺體
 也雅以淵源誥訓頡以苑囿奇文異體相資
 如左右肩股該舊而知新亦可以屬文若夫
 義訓古今興廢殊用字形單複妍媸異體心
 既託聲於言言亦寄形於字諷誦則續在宮
 商臨文則能歸字形矣是以綴字屬篇必須
 練擇一避說異二省聯邊三權重出四調單
 複詭異者字體壞怪者也曹據詩稱豈不願
 斯遊榻心惡咄咄兩字詭異大疵美篇况乃
 過此其可觀乎聯邊者半字同文者也狀貌
 山川古今咸用施於常文則鈕銛為駁如不
 獲免可至三接三接之外其字林乎重出者
 同字相犯者也詩驗適會而近世忌同若兩

字俱要則寧在相犯故善為文者富於萬篇
 貧於一字一字非少相避為難也單複者字
 形肥瘠者也瘠字累句則纖疎而行劣肥字
 積文則黯默而篇闇善酌字者參伍單複磊
 落如珠矣凡此四條雖文不必有而體例不
 無若值而莫悟則非精解至於經典隱暖方
 冊紛綸簡盡帛裂三寫易字或以音訛或以
 文變子思弟子於穆不祀者音訛之異也晉
 之史記三豕渡河文變之謬也尚書大傳有
 別風淮南帝王世紀云列風淮兩別列淮滙
 字似潛移滙列義當而不奇淮別理乖而新
 異傳毅制誅已用淮兩固知愛奇之心古今
 一也史之闕文聖人所慎若依義棄奇則可
 與正文字矣

贊曰
 篆隸相鎔蒼雅品訓古今殊跡妍蚩異分字
 靡異流文阻難運聲畫昭精墨米騰奮

隱秀第四十

夫心術之動遠矣文情之變深矣源奧而派
生根盛而穎峻是以文之英蕤有秀有隱隱
也者文外之重音者也秀也者篇中之獨拔
者也隱以複意為工秀以卓絕為巧斯乃舊
章之懿績才情之嘉會也夫隱之為體義生
文外秘響傍通伏采潛發譬文象之變玄體
川清之韞珠玉也故玄體變文而成化四象
珠玉潛水而瀾表方圓風動秋草邊馬有歸
心氣寒而事傷此羈旅之怨曲也凡文集勝
篇不盈十一篇章秀句裁可百二並思合而
自逢非研慮之所果也或有雕削取巧雖美
非秀矣故自然會妙譬丹木之耀英華潤色
取美譬繒帛之滌朱綠朱綠滌繒深而繁鮮
英華曜樹淺而煒燁秀句所以照文苑蓋以
此也

贊曰

深文隱蔚餘味曲包辭生互體有似變又言
之秀矣萬慮一交動心驚耳逸響笙匏 卷八

文心雕龍卷之九

指瑕第四十一

管仲有言無翼而飛者聲也無根而固者情
也然則聲不假翼其飛甚易情不待根其固
非難以之綴文可不慎歟古來文才異世爭
驅或逸才以爽迅或精思以纖密而慮動難
圓鮮無瑕病陳思之文群才之俊也而武帝
誄云尊靈永蟄明帝頌云聖體浮輕浮輕有
似於蝴蝶永蟄頗疑於昆蟲施之尊極豈其
當乎左思七諷說孝而不從反道若斯餘不
足觀矣潘岳為才善於哀文然悲內兄則云
感口澤傷弱子則云心如疑禮文在尊極而
施之下流辭雖是哀義斯替矣若夫君子擬
人必於其倫而崔瑗之誄李公比行於黃虞
向秀之賦嵇生方罪於李斯與其失也雖寧
降無濫然高原之詩不類甚矣凡巧言易標
拙辭難隱斯言之玷實深白圭繁例難載故
畧舉四條若夫立文之道惟字與義字以訓

正義以理宣而晉末篇章依稀其旨始有賞際奇至之言終無撫叩酬即之語每單舉一字指以為情夫賞訓錫登豈關心解撫訓執握何預情理雅頌未聞漢魏莫用懸領似如可辯課文了不成義斯實情訛之所變文澆之致弊而宋來才英未之或改舊染成俗非一朝也近代辭人率多猜忌至乃比語未蚩反音取瑕雖不屑於古而有擇於今焉又製同他文理宜刪革若排人羨辭以為已力寶至大弓終非其有全寫則揭篋傍採則探囊然世遠者太輕時同者為尤矣若夫注解為書所以明正事理然謬於研求或率意而斷西京賦稱中黃育獲之疇而詳綜謬注謂之閻尹是不聞執雕虎之人也又周禮井賦舊有疋馬而應邵釋疋或量首數蹄斯豈辨物之要哉原夫古之正名車兩而馬疋兩稱目以並耦為用蓋車貳佐乘馬儼駮服服乘不隻故名號必覆名號一正則雖單為疋矣疋

夫疋婦亦配義也夫車馬小義而歷代莫悟辭賦近事而千里致差况鑽灼經典能不謬哉夫辨言而數蹄選勇而駮閻尹失理太甚故舉以為戒丹青初炳而後渝文章歲久而彌光若能鑒括於一朝可以無慙於千載也

贊曰

羿氏射東野敗駕雖有雋才謬則多謝斯言一玷千載弗化令章靡疚亦善之亞

養氣第四十二

昔王充著述制養氣之篇驗已而作豈虛造哉夫耳目鼻口生之後也心慮言辭神之用也率志委和則理融而情暢鑢礪過分則神疲而氣衰此性情之數也夫三王辭質心絕於道華帝世始文言貴於敷奏三代春秋雖泐世彌綺並適分質臆非牽課才外也戰代技詐攻奇飾說漢世迄今辭務日新爭光驚采慮亦竭矣故淳言以比澆辭文質懸乎千載率志以方竭情勞逸差於萬里古人所以

餘裕後進所以莫違也凡童少鑒淺而志盛
長艾識堅而氣衰志甚者思銳以勝勞氣衰
者慮密以傷神斯實中人之常資歲時之大
較也若夫器分有限智用無涯或慙息企鶴
志外傷同乎牛山之伐怛惕之盛疾亦可推
矣至如仲任置硯以綜述敬通懷筆以專業
既暄之以歲序又煎之以日時是以曹公懼
為文之傷命陸雲歎用思之困神非虛談也
夫學業在勤功庸弗怠故有錐股自厲和熊
以苦之人志於文也含氣無依則有申寫鬱
滯玄解頓釋之輩故宜從容率情優柔適會
若銷鑠精膽愛迫和氣秉牘以驅齡灑翰以
伐性豈聖賢之素心會文之直理哉且夫思
有利鈍時有通塞沐則心覆且或反常神之
方昏再三愈黷是以吐納文藝務在節宣清
和其心調暢其氣煩而即捨勿使壅滯理鎔
則舒懷以命筆理伏則投筆以卷懷道遠以

針勞談笑以藥勅常弄閑於才鋒時賈餘於
文勇使刃發如新賸理無滯雖非胎息之萬
術斯亦衛氣之一方也

贊曰

紛披萬象勞矣千想玄神宜寶素氣資養水
停以鑒火靜而明無擾文慮鬱此精爽

附會第四十三

何謂附會謂總文理統首尾定與奪合涯際
彌綸一篇使雜而不越者也若築室之須基
構裁衣之待縫緝矣夫才量學文宜正體製
必以情志為神明事義為骨髓辭采為肌膚
宮商為聲氣脰後品藻玄黃摘採金玉獻可
替否以裁厥中斯綴思之常數也凡大體文
章類多枝派整派者依源理枝者循幹是以
附辭會義務總綱領驅萬塗於同歸貞百慮
於一致使眾理雖繁而無倒置之乖群言雖
多而無琴絲之亂扶陽而出條順陰而藏跡
首尾周密表裏一體此附會之術也夫畫者

謹髮而易貌射者儀毫而失牆或銳精細必
 踈體統故宜詘寸以信尺枉尺以直尋棄偏
 善之巧學具美之績此命篇之經畧也夫文
 變無方意見浮雜約則義孤博則辭叛率故
 多充需為事賊且才分不同思緒各異或製
 首以通尾或片接以寸附然通製者蓋寡接
 附者甚衆若統緒失宗辭味必亂義脉不流
 則偏枯文體夫能懸識腴理然後文節自會
 如膠之粘木豆之合黃矣是以駟牡異力而
 六轡如琴並駕齊驅而一轂統輻馭文之法
 有似於此去留隨心修短在手齊其步驟總
 轡而已故善附者異音如肝膽拙會者同音
 如胡越改章難於造篇易字艱於代句此已
 然之驗也昔張湯疑奏而再却虞松草表而
 屢譴並理事之不明而辭旨之失調也及兒
 寬更草鍾會易字而漢武歎奇晉景稱善者
 乃理得而事明心敏而辭當也以此而觀則
 知附會巧拙相去遠哉若夫絕筆斷章譬乘

舟之振楫會詞切理如引縶以揮鞭克終底
 績寄深寫遠送若首唱榮華而腰句憔悴否
 則遺勢鬱湮而餘風不暢此周易所謂賢无
 膚其行次且也惟首尾相援則附會之體固
 亦無以加於此矣

贊曰

篇統間闕情數稠疊原始要終踈條布葉道
 味相附懸緒自接如樂之和心聲克協

總術第四十四

今之常言有文有筆以為無韻者筆也有韻
 者文也夫文以是言理兼詩書別月兩名自
 近代耳顏延年以為筆之為體言之文也經
 典則言而非筆傳記則筆而非言請奪彼矛
 還攻其楯矣何者易之文言豈非言文若筆
 不言文不得云經典非筆矣將以立論未見
 其論立也予以為發口為言屬筆曰翰常道
 曰經述經曰傳經傳之體出言入筆筆為言
 使可強可弱分經以典與為不利非以言筆

為優劣也昔陸氏文賦號為曲盡然汎論纖悉而實體未該故知九變之實匪躬知言之選難備矣凡精慮造文各競新麗多欲練辭莫肯研術落落之玉或亂乎石碌碌之石時似乎玉精者要約匱者亦甚博者該贍無者亦繁辯者昭哲淺者亦露奧者複隱詭者亦典或義華而聲悴或理拙而文澤知夫調鍾未易張琴實難伶人告和不必盡窅嶽之中動用揮扇何必窮初終之韻魏文比篇章於音樂蓋有徵矣夫不截盤根無以驗利器不剖文奧無以辯通才才之能通必資曉術自非圓鑿區域大判條例豈能控引清涼制勝文苑哉是以執術馭篇似善奕之窮數無術任心如博塞之遨遊故博塞之文借巧儻來雖前驅有功而後援難斷少既無以相接多亦不知所刪乃多少之非惑何妍蚩之能制乎若夫善奕之文則術有恒數按部整伍以待情會因時順機動不失正數逢其極機入

其巧則義味騰躍而生辭氣叢雜而至視之則錦繪聽之則絲簧味之則甘腴佩之則芬芳斷章之功於斯盛矣夫驥之雖駿纏牽忌長以萬分一累且廢千里况文體多術共相彌綸一物携貳莫不解體所以列在一篇備總情變譬三十之輻共成一轂雖未足觀亦鄙夫之見也

贊曰

文場筆苑有術有門務先大體鑑必窮源乘一總萬舉要治繁思無定契理有恒存

時序第四十五

時運交移質文代變古今情理如可言乎昔在陶唐德盛化鈞野老吐何力之談郊童含不識之歌有虞繼作政阜民暇薰風詩於元后爛雲歌於臣列盡其美者何乃心樂而聲泰也至大禹敷土九序詠功成湯聖敬倚歟作頌逮姬文之德盛周南勤而不怨太王之化淳邠風樂而不淫幽厲昏而板蕩怒平王

微而忝離表故知歌謠文理與世推移風動於上而波震於下者春秋以後角戰英雄六經泥蟠百家颯駭方是時也韓魏力政燕趙任權五蠹六風嚴於奏令唯齊楚兩國頗有文學齊開莊衢之第楚廣蘭臺之宮孟軻賓館荀卿宰邑故稷下扇其清風蘭陵鬱其茂俗鄒子以談天飛譽騶奭以雕龍馳響屈平聯藻於日月宋玉交彩於風雲觀其豔說則籠罩雅頌故知曄燁之奇意出乎縱橫之詭俗也爰至有漢運接燔書高祖尚武戲儒簡學雖禮律草創詩書未違然大風鴻鳴之歌亦天縱之英作也施及孝惠迄于文景經術頗興而辭人勿用賈誼抑而鄒枚沉亦可知已逮孝武崇儒潤色鴻業禮樂爭輝辭藻競騫栢梁展朝譙之詩金堤製恤民之詠徵枚乘以滿輪申主父以鼎食擢公孫之對策歎兒寬之凝奏買臣負薪而衣錦相如滌器而被繡於是史遷壽王之徒嚴終枚臯之屬應

對固無方篇章亦不匱遺風餘采莫與比盛越昭及宣實繼武績馳騁石渠暇豫文會集雕篆之軼材發綺縠之高喻於是王褒之倫底祿待詔自元暨成降意園籍笑玉屑之諫清金馬之路子雲銳思於千首子政警校於六藝亦已美矣爰自漢室迄至成哀雖世漸百齡辭人九變而大抵所歸祖述楚辭靈均餘影於是乎在自哀平陵替光武中興深懷圖讖頗畧文華然杜篤獻誅以免刑班彪參表以補令雖非旁求亦不遺棄及明帝疊寵崇愛儒術肄禮壁堂講文虎觀孟堅珥筆于國史賈逵給禮於端頌東平擅其懿文沛王振其通論帝則藩儀輝光相照矣自安和以下迄至順桓則有班傳三崔王馬張蔡嘉落鴻儒才不時乏而文章之選存而不論然中興之後群才稍改前轍華實所附斟酌經群蓋歷政講聚故漸靡儒風者也降及靈帝時好辭製造義皇之書開鴻都之賦而樂松之

徒招集淺陋故揚賜號為驪兜蔡邕比之俳
優其餘風遺文蓋茂如也自獻帝播遷文學
遂轉建安之末區字方輯魏武以相王之尊
雅愛篇翰文帝以副君之重妙善辭賦陳思
以公子之豪下筆琳琅並體貌英逸故俊才
雲蒸仲宣委質於漢南孔璋歸命於河北偉
長從宦於青土公幹徇質於海隅德建綜其
斐然之思元瑜展其翩翩之樂文蔚休伯之
儔子椒德祖之侶傲雅觴豆之前雍容柹席
之上灑筆以成酣歌和墨以藉談笑觀其時
文雅好慷慨良由世積亂離風衰俗怨並志
深而筆長故梗槩而多氣也至明帝纂戎制
詩度曲徵篇章之士置崇文之觀何劉群才
迭相照耀少主相仍雅高貴英雅顧盼合章
動言成論於時正始餘風篇體輕澹而嵇阮
應繆並馳文路矣逮晉宣始基景文克構並
跡沉儒雅而務深方術至武帝惟新承平受
命而膠序篇章弗簡皇慮降及懷愍綴旒而

已然晉雖不文文才實盛茂先搥筆而散珠
太冲動墨而橫錦岳湛曜聯璧之華機雲標
二俊之采應傳三張之徒孫孽成公之屬並
結藻清英流韻綺靡前史以為運涉季世人
未盡才誠哉斯談可為歎息元皇中興披文
建學劉刀禮吏而寵榮景純文敏而優擢逮
明帝東哲雅好文會升儲御極孳孳講藝鍊
情於誥策振采於辭賦度以筆才逾親温以
文思益厚揄揚風流亦彼時之漢武也及成
康促齡穆衣短祚簡文勃興淵乎清峻微言
精理函滿玄席澹思醲采時灑文囿至考武
不嗣安恭已矣其文史則有袁殷之曹孫于
之輩雖才或淺深珪璋足用自中朝貴玄江
左彌盛因談餘氣流成文體是以世極運
而辭意夷泰詩必柱下之旨歸賦乃漆園之
義疏故治文變樂乎世情興廢繫乎時序原
始以要終雖百世可知也自宋武愛文文帝
彬雅秉文之德孝武多才英采雲構自明以

下文理替矣爾其縉紳之林霞蔚而鸞起王
表懸宗以龍章顏謝重葉以鳳采何范張沈
之徒亦不可勝也蓋聞之於世故畧舉大較
暨皇齊馭寶運集休明太祖以聖武膺錄高
祖以睿文纂業文帝以貳離含章中宗以上
哲興運並文明自天緝避景祚今聖歷方興
文思克被海嶽降神才英秀發馭飛龍於天
衢駕騏驎於萬里經典禮章跨周轢漢唐虞
之文甚昂盛乎鴻風懿采短筆敢陳颺言讚
時請寄明哲

贊曰

蔚英十代辭采九變樞中所動環流無倦質
文沁時崇替在選終古雖遠駿馬如面

文心雕龍卷之九終

文心雕龍卷之十

物色第四十六

春秋代序陰陽條舒物色之動心亦搖焉蓋
陽氣萌而玄駒步陰律疑而丹鳥羞微蟲猶
或入惑四時之動物深矣若夫珪璋挺其惠
心英華秀其清氣物色相召人誰獲安是以
獻歲蒞春悅豫之情暢滔滔孟夏鬱陶之心
凝天高氣清陰沈之志遠霰雪無垠矜肅之
慮深歲有其物物有其容情以物遷辭以情
蕪一葉且或迎意蟲聲有足引心况清風與
明月同夜白日與春林共朝哉是以詩人感
物聯類不窮流連萬象之際沈吟視聽之區
馭氣園貌既隨物以宛轉屬采附聲亦與心
而徘徊故灼灼狀桃花之鮮依依畫楊柳之
貌杲杲為出日之容灑灑擬雨雪之狀喑喑
逐黃鳥之聲嚶嚶學草蟲之韻皎日嘒星一
言窮理參差沃若兩字連形並以少總多情
貌無遺矣雖復思經千載將何易奪及離騷

代興觸類而長物貌難盡故重沓舒狀於是
嵯峨之類聚歲時之群積矣及長鄉之徒詭
勢瓌聲模山範水宇必魚貫所謂詩人麗則
而約言辭人麗淫而繁句也至如雅詠棠華
或黃或白騷述秋蘭綠葉紫莖凡擣表五色
貴在時見若青黃屢出則繁而不珍自近代
以來文貴則似窺情風景之上鎖貌草木之
中吟詠所發志惟深遠體物為妙功在密附
故巧言切狀如印之印泥不加雕削而曲寫
毫末故能瞻言而見貌印字而知時也然物
有恒姿而思無定檢或率爾造極或精思愈
踈且詩騷所標並據要害故後進銳筆怯於
爭鋒莫不因方以借巧即勢以會奇善於適
要則雖舊彌新矣是以四序紛迴而入與貴
閑物色雖繁而折辭尚簡使味飄飄而輕舉
情曄曄而更新古來辭人異代接武莫不參
伍以相變因革以為功物色盡而情有餘者
曉會通也若乃山林臯壤實文思之奧府畧

語則闕詳說則繁狀虛平所以能洞監風騷
之情者抑亦江山之助也

贊曰

山杏水匝樹雜雲合自既往還心亦吐納春
日遲遲火風颯颯情往似贈興來如答

才畧第四十七

九代之文富矣盛矣其辭令華采可畧而詳
也虞夏文章則有臯陶六德夔序八音益則
有贊五子作歌辭義溫雅萬代之儀表也商
周之世則仲虺垂誥伊尹敷訓吉甫之徒並
述詩頌義固為經文亦師矣及乎春秋大夫
則修辭聘會磊落如琅玕之圃焜耀似綺錦
之肆遠教擇楚國之令典隨會講晉國之禮
法趙襄以文勝從饗國僑以脩辭杆鄭子太
叔美秀而文公孫鞅善於辭令皆文名之標
者也戰代任武而文士不絕諸子以道術取
資屈宋以楚辭發采樂毅報書辭以義范雎
上跡密而至蘇秦歷說壯而中李斯自奏羣

而動若在文世則楊班儔矣荀况學宗而象物名賦文質相稱固巨儒之情也漢室陸賈首發奇采賦孟春而選典誥其辯之富美賈誼才穎陵軼飛兔議堰而賦清豈虛至哉枚乘之七發鄒陽之上書膏潤於筆氣形於言矣仲舒專儒子長純史而麗綺成文亦詩人之誥哀焉相如好書師範屈宋洞入夸豔致名辭宗然復取精意理不勝辭政楊子以為文麗用寡者長卿誠哉是言也王褒構采以密巧為致附聲測貌泠然可觀子雲屬意辭人最深觀其涯度幽遠搜選詭麗而竭才以鑽思故能理贍而辭堅矣桓譚著號富侔倚頌宋弘稱薦爰比相如而集靈諸賦偏淺無才故知長於諷論不及麗文也敬通雅好辭說而坎壈盛世顯志自序亦蚌病成珠矣二班兩劉奕葉繼采舊說以為固文優彪歎學精向然王命清辯新序該練瓊璧產於崑崗亦難得而踰本矣傳毅崔駰光采比有瓌是

踵武能世厥風者矣杜篤賈逵亦有聲於文跡其為才也崔傳之末流也李充賦銘志慕鴻裁而才力沈隄垂翼不飛馬融鴻儒思洽登高吐納經範華實相扶王逸博識有功而絢綵無力延壽繼志瓌穎獨標其善圖物寫貌豈枚乘之遺術歟張衡通瞻蔡邕精雅文史彬彬隔世相望是則竹柏異心而同貞金玉殊質而皆寶也劉向之奏議肯切而調緩趙壹之辭賦意繁而體踈孔融氣盛於為筆補衡思銳於為文有偏美焉潘勗憑經以聘才故絕群於錫命王朗發憤以託志亦致美於序銘然自卿淵已前多俊才而不課學雄向已後頗引書以助文此取與之大際其分不可亂者也魏文之才洋洋清綺舊談抑之謂去植千里然子建思捷而才儻詩麗而表逸子姪慮詳而力緩故不競於先鳴而樂府清越典論辯要迭用短長亦無情焉但俗情抑揚雷同一響遂令文帝以位尊減才思王

以發窘益價未為薦論也仲宣溢才捷而能
密文多兼善辭少駁累摘其詩賦則七子之
冠冕乎琳瑯以符檄擅聲徐幹以賦論標美
劉貞情高以會采應瑒學優以得文路粹揚
脩頗懷筆記之工丁儀邯鄲亦含論述之美
有足筭焉劉邵趙都能攀於前脩何晏景福
克光於後進休璉風情則百壹標其志吉甫
文理則臨卅成其采嵇康師心以遺論阮籍
使氣以命詩殊聲而合響異翻而同飛張華
短章奕奕清暢其鷓鴣寓意即韓非之說難
也左思立才業深覃思盡銳於三都拔萃於
詠史無遺力矣潘岳敏給辭自和暢鍾美於
西征賈餘於哀誄非自外也陸機才欲窺深
辭務索廣故思能入巧而不制繁士龍朗陳
以識檢亂故能布采鮮淨敏於短篇孫楚縵
思每直置以踈通藝虞述懷必循規以溫雅
其品潔流別有條理馬傅玄篇童義多規鏡
長虞筆奏世執剛中並枕幹之實才非群華

之華也成公子安選賦而時美夏侯孝若
具體而皆微曹據清靡於長篇李膺辨切於
短韻各其善也孟陽景福才綺而相埒可謂
魯衛之政兄弟之文也劉琨雅壯而多風盧
諶情發而理昭亦遇之於時勢也景純艷逸
足冠中興郊賦既穆穆以大觀仙詩亦飄飄
而陵雲矣庾元規之表奏靡密以閑暢溫太
真之筆記循理而清通亦筆端之良工也孫
盛子實文勝為史筆的所擬志乎典訓戶牖
雖異而筆彩畧同袁宏發軔以高驥故卓出
而多偏孫綽規旋以矩步故倫存而寡狀毅
仲文之孤興謝叔源之閑情並解散辭體縹
渺浮音雖滔滔風流而太澆文意宋代逸才
辭翰鱗萃世近易明無勞甄序觀夫後漢才
林可參西京晉世文苑足儷鄴都然而魏時
話言必以元封為稱有宋來美談亦以建安
為口實何也豈非崇文之盛世招才之嘉會
哉嗟夫此古人所以貴乎時也

贊曰

才難然乎性各異稟一朝綜文千年凝錦餘
采徘徊遺風藉甚無曰紛雜皎然可品

知音第四十八

知音其難哉音實難知知實難逢逢其知音
千載其一乎夫古來知音多賤同而思古所
謂日進前而不御遙聞聲而相思也昔儲說
始出子虛初成秦皇漢武恨不同時既同時
矣則韓囚而馬輕豈不明鑒同時之賤哉至
於班固傳毅文在伯仲而固嗤毅云下筆不
能自休及陳思論才亦深排孔璋敬禮請潤
色歎以為美談季緒好詆訶方之於田巴意
亦見矣故魏文稱文人相輕非虛談也至如
君卿脣舌而謬欲論文乃稱史遷著書諮東
方朔於是桓譚之徒相顧嗤笑彼實博徒輕
言負誦况乎文士可妄談哉故鑒照洞明而
貴古賤今者二主是也才實鴻懿而崇已抑
人班曹是也學不逮文而信偽述直者樓護

是也辭詭之議豈多歎哉夫麟鳳與麀雉懸
絕珠玉與礫石超殊白日垂其照青睞寓其
形然魯臣以麟為麀楚人以雉為鳳魏氏以
夜光為怪石宋客以燕礫為寶珠形器易微
謬乃若是文情難鑒誰曰易分夫篇章雜沓
質文交加知多偏好人莫圓該慷慨者逆聲
而擊節醞藉者見容而高蹈浮慧者觀綺而
雖心愛奇者聞詭而驚聽會已則嗟諷異我
則沮棄各執一隅之解欲擬萬端之變所謂
東向而望不見西墻也凡操千曲而後曉聲
觀千劍而後識器故圓照之象務先博觀閱
喬岳以形培塿酌滄波以喻畎增無私於輕
重不偏於憎愛然後能平理若衡照辭如鏡
矣是以將閱文情先標六觀一觀位體二觀
置辭三觀通變四觀奇正五觀事義六觀宮
商斯術既形則優劣見矣夫綴文者情動而
辭發觀文者披尋以入情沿波討源雖幽必
顯世遠莫見其面覘文輒見其心豈成篇之

足深患識照之自淺耳夫志在山水琴表其
情况形之筆端理將焉匿故心之照理譬目
之照形目瞭則形無不分心敏則理無不達
然而俗監之迷者深廢淺售此莊周所以笑
折楊宋玉所以傷白雪也昔屈平有言文質
踈內衆不知余之異采見異唯知音耳楊雄
自稱心好沈博絕麗之文其事浮淺亦可知
矣夫桂深識鑒奧必歡然內慊譬春臺之熙
衆人樂餌之止過客蓋聞蘭為國香服媚彌
芬書亦國華既澤方美知音君子其垂意焉
贊曰
洪鍾萬鈞鑿曠所定良書盈篋妙鑒迺訂流
鄭淫人無或失聽獨有此律不謬蹊逕
程器第四十九
周書論士方之梓材蓋貴器用而兼文采也
是以樸斲成而卅璜施垣墉立而雕朽附而
近代詞人務華棄實故魏文以為古今文人
之類不護細行韋誕所評又歷詆群才後人

雷同混之一貫吁可悲也畧觀文士之疵相
如竊妻而受金揚雄嗜酒而少莫故通之不
循廉陽杜篤之請求無厭班固諂實以作威
馬融黨梁而黷貨文舉傲誕以速誅正平狂
慙以致戮仲宣輕脆以蹂躪孔璋惚恫以震
踈丁儀貪婪以乞貨路粹舖毀而無耻潘岳
說禱於愍懷陸機傾仄於賈郭傅玄剛隘而
詈臺孫楚恨復而訟府諸有此類並文士之
瑕累文既有矣武亦宜然古之將相疵處膏
多至如管仲之盜竊吳起之貪淫陳平之污
點絳灌之讒嫉公詞以下不可勝數孔光負
衡據鼎而仄媚董賢况班馬之賤職潘岳之
下位孔王戎開國上秩而擢官當俗况馬杜
之聲懸丁路之貧薄執然子夏無虧於名儒
璿冲不塵乎竹林者名崇而譏滅也若夫屈
賈之忠貞鄒枚之機覺黃香之淳孝徐幹之
沈默豈曰文士必其玷歟蓋人稟五材脩短
殊用自非上哲難以求備然將相以位隆特

達文士以職卑多謂此江河所以騰湧消流
 所以寸析者也名之抑揚既其然矣位之通
 塞亦有以焉蓋士之登庸以成務為用魯之
 敬姜婦人之聰明耳然推其機綜以方治國
 安有大夫學文而不達於政事哉彼揚馬之
 徒有文無質所以終乎下位也昔庾元規才
 華清美勳庸有聲故文藝不稱若非台岳則
 正以文才也武之術左右惟宜卻穀郭書故
 舉為元帥豈以好文而不練武哉孫武兵經
 辭如珠玉豈以習武而不曉文也是以君子
 藏器待時而動發揮事業固宜蓄素以剛中
 散悉以彪外棟桷其管豫董其幹搗文必在
 緯軍國負重必在任棟梁窮則獨善以垂文
 達則奉時以騁績若此文人應梓材之士矣

贊曰

瞻彼前修有懿文德聲昭楚南采動梁北雕
 而不器貞幹誰則豈無華身亦有光國

序志第五十

文心者言為文之用心也昔涓子琴心王孫
 巧心心哉美矣夫故用之古采文章以雕緝
 成體豈效鄒奭之群言雕龍也夫宇宙家逸
 文獻紛雜拔萃出穎智術而已歲月飄忽性
 靈不遏騰聲飛實制作而已夫有肖貌天地
 稟性五行娛耳目於日月方聲氣於風雷其
 超出萬物亦已靈矣形同草木之脆名踰金
 石之堅是以君子處世樹德建言豈好辯哉
 不得已也余生七齡乃夢彩雲若錦則攀而
 採之齒在踰立則常夢索源不述先哲之謨
 無益後生之慮蓋文心之作也本乎道師乎
 聖體乎經正乎緯變乎騷文之樞紐云亦極
 矣若論文叙志則派別區分原始以表時釋
 名以章義選文以定篇數理以舉統一篇以
 上網領明矣至於剖情析采必籠圈條貫摛
 神往圖風勢幽遠包會徧閱聲字崇替於時
 序褒貶於才畧怡暢於知音耿介於程器長
 懷序志以馭群篇下篇以下毛目顯矣位理

定名彰乎大易之數其為文用四十九篇而已夫銓序一文為易彌綸群言為難雖復輕採毛髮深極骨髓或有曲意密源似近而遠辭所不載亦不可勝數及其品列成文有同乎舊談者非雷同也勢自不可異也有異乎前論者非苟異也理自不可同也同之與異不胥古今擘肌分理唯務折衷按繹文雅之場環絡藻贈之府亦幾乎備矣但言不盡意前聖所難識在瓶管何能規矩茫茫往代既沈余聞渺渺來世諒塵彼觀也

贊曰

生也有涯無涯惟智逐物實難憑性良易傲岸象石咀嚼文義文果載心余心有寄

文心雕龍卷之十終



廿八年五月十九日
龍 雕 心 文

編主五雲王

編初成集書叢

龍 雕 心 文

中華民國二十六年六月初版

著 者 劉

總

發行人

王 雲 五
上海河南路

印刷所

商 務 印 書 館
上海河南路

發行所

商 務 印 書 館
上海及各埠

◆E七七二



3
4
2624